

ჩემი აფხაზეთი

აფხაზეთის ავტონომიური რესპუბლიკის განათლებისა და კულტურის სამინისტრო №38, მაისი, 2017 წელი



23 მაისი, სკიმონ ჩანანდის ხსენების დღე, ამირიდან აფხაზეთის დღევანდელ და ის სრულიად საქართველოს ერთიან-უწყვეტობის, მცხეთა-თბილისის მთავარეპისკოპოსისა და ბიჭვინთისა და ცხუმ-აფხაზეთის მიწროვნილობის, უწყვეტობის და უწყვეტობის იქნა II-ის დოქტრინა-პროტოკოლით დანერგა. სკიმონ ჩანანდი იყო თორმეტი მოციქულთაგან ერთ-ერთი, რომელმაც საქართველოში იქადაგა და აქვე აღესრულა. იგი დაკრძალულია აფხაზეთში. აფხაზეთის ავტონომიური რესპუბლიკის ხელისუფლებამ ამ დღეს წაუყდრა და დაკრძალა მისი საფლავი აფხაზეთის საზოგადოებასთან და შემოქმედებით ჯიშვითა და ერთად აღსანიშნავს.




აფხაზეთის საგუნდო კაპელა - საერთაშორისო ფესტივალებზე

გვ. 3



სოხუმის თეატრმა ახალსახლობა იზეიმა

გვ. 4



გენო კალანდიას ხსოვნას!

გვ. 5

სოხუმის საკათედრო ტაძარი

ბექან ხორავა

საქართველოს კულტურული მემკვიდრეობის დაცვის ეროვნულმა სააგენტომ, აფხაზეთის არ განათლებისა და კულტურის სამინისტროს კულტურულ ფასეულობათა დაცვის სამსახურის წარდგინებით, სოხუმის საკათედრო ტაძარს (4 მარტის და კ. ლესელიძის ქუჩების გადაკვეთაზე) უძრავი კულტურული მემკვიდრეობის ძეგლის სტატუსი მიანიჭა.

XIX საუკუნის დასაწყისში, როდესაც რუსეთი აფხაზეთში დამკვიდრდა, ქრისტიანობა ამ მხარეში საველადო დღეში იყო, არც ერთი ეკლესია მოქმედი არ იყო. რუსეთის ხელისუფლება და აფხაზეთის მთავარი ამ მხარეში პოზიციების განმტკიცების მიზნით ქრისტიანობის გავრცელებას ცდილობდნენ. რუსეთის ხელისუფლება დამკვიდრებული მიზნებს და კოლონიურ პოლიტიკას ქრისტიანობის მფარველობით ნიღბავდა. ქრისტიანობის გავრცელება რუსეთის პოლიტიკური გავლენის გავრცელებას მოასწავებდა. ამიტომ იყო, რომ აფხაზეთის სამთავროში ქრისტიანობის აღორძინებას ყურადღება მიექცა.

გაგრძელება გვ.8



ნაკვალევი, რომელსაც ომიც კი ვერ შლის

გვ. 9

აფხაზეთის ა/რ განათლებისა და კულტურის სამინისტრომ 2016 წლის საქმიანობის ანგარიში წარადგინა

ეკატერინე გალილია

აფხაზეთის ავტონომიური რესპუბლიკის განათლებისა და კულტურის სამინისტრომ თავისავე საექტო დარბაზში 2016 წელს გაწეული საქმიანობის ანგარიში წარადგინა. თავმჯდომარეობას უძღვებოდა აფხაზეთის ავტონომიური რესპუბლიკის განათლებისა და კულტურის მინისტრი დიმიტრი ჯაიანი.

ანგარიშის წარდგენას საქართველოს პარლამენტის განათლების, მეცნიერებისა და კულტურის კომიტეტის თავმჯდომარე **მარიამ ჯაში**, ამავე კომიტეტის თავმჯდომარის პირველი



მოადგილე **გენადი მარგველაშვილი**, აფხაზეთის ავტონომიური რესპუბლიკის მთავრობის თავმჯდომარის მოვალეობის შემსრულებელი **ვახტანგ ყოლბაია**, აფხაზეთის ავტონომიური რესპუბლიკის უმაღლესი საბჭოს თავმჯდომარე **ელგუჯა გვაზავა**, აფხაზეთის ა/რ მთავრობის წევრები და უმაღლესი საბჭოს დეპუტატები, არასამთავრობო ორგანიზაციებისა და საზოგადოებრიობის წარმომადგენლები ესწრებოდნენ.

აფხაზეთის ა/რ განათლებისა და კულტურის სამინისტროს საქმიანობის ძირითად მიმართულებებზე - განათლება, კულტურა, კულტურული მემკვიდრეობის დაცვა, სპორტი და ა. შ. - განხორციელებულ პროექტებსა თუ პროგრამებზე დამსწრეთა წინაშე მოხსენება გააკეთა აფხაზეთის ა/რ განათლებისა და კულტურის მინისტრის პირველმა მოადგილემ **მანანა ქვაჩახია**.

აფხაზეთის ა/რ განათლებისა და კულტურის სამინისტროს შემოქმედებითი კოლექტივების საქმიანობასა და მათ საერთაშორისო აღიარებებზე ისაუბრა აფხაზეთის სიმღერისა და ცეკვის სახელმწიფო ანსამბლის სამხატვრო ხელმძღვანელმა **ლევან ღვინჯილიამ**. მანვე წარადგინა აფხაზეთის სიმღერისა და ცეკვის სახელმწიფო ანსამბლი და აფხაზეთის სახელმწი-



ფო კაპელა (სამხატვრო ხელმძღვანელი **ზვიად ბოლქვაძე**), რომელთა მიერ შესრულებულმა მუსიკალურმა ნომრებმა დარბაზის მქუხარე ოვაციები გამოიწვია. გარდა ამისა, სოხუმის მოზარდ მაცურებელთა თეატრმა „თეთრმა ტალღამ“ დამსწრეთ ნაწყვეტი სპექტაკლიდან „გამარჯობა, აფხაზეთო შენი!“ უჩვენა, აფხაზეთის №2 საჯარო სკოლის მოსწავლეებმა კი აფხაზურენოვანი სპექტაკლი.



„ყელში მობჯენილი მონატრება“...

მოზარდების მიერ აფხაზურენოვანი სპექტაკლით გადმოცემული სათქმელი

ნინო ლოჟანიძე

თბილისში, ვაშლიჯვრის დასახლებაში მდებარე აფხაზეთის №2 საჯარო სკოლაში აფხაზური ენის ინტეგრირებული გაკვეთილი ჩატარდა. სკოლის მოსწავლეებმა სტუმრებს აფხაზეთის ისტორიის, გეოგრაფიისა და კულტურული მემკვიდრეობის შესახებ ინფორმაცია აფხაზურ და ქართულ ენებზე გააცნეს. აგრეთვე აფხაზურ ენაზე წაიკითხეს ცნობილი აფხაზი პოეტების ლექსები. გაკვეთილის ბოლოს ახალგაზრდებმა სიმბოლურ „ნატერის ხეზე“ ფურცლებზე გადატანილი სურვილები დაკიდეს.

გაკვეთილს ესწრებოდნენ აფხაზეთის ავტონომიური რესპუბლიკის მთავრობის თავმჯდომარის მოვალეობის შემსრულებელი **ვახტანგ ყოლბაია**, შერიგებისა და სამოქალაქო თანასწორობის საკითხებში სახელმწიფო მინისტრის პირველი მოადგილე **პეტრე კანკავა**, აფხაზეთის ა/რ განათლებისა და



კულტურის მინისტრი **დიმიტრი ჯაიანი** და მინისტრის პირველი მოადგილე **მანანა ქვაჩახია**.

აფხაზური ენის გაკვეთილის შემდეგ **ვახტანგ ყოლბაიამ** განაცხადა: „აფხაზური ენის სწავლების შემოღებას ჩვენს მიერ დაქვემდებარებულ სკოლებში დიდ მიღწევად მივიჩნევთ. მე პირადად მესამედ ვესწრები აფხაზური ენის გაკვეთილს და სწავლების მეთოდის საკითხებში პროგრესსაც ვამჩნევ. მეამაყება, რომ ჩვენი ბავშვები ასე კარგად ეუფლებიან აფხაზურ ენას. ამაში დავრწმუნდი მეც და შერიგებისა და სამოქალაქო თანასწორობის საკითხებში სახელმწიფო მინისტრის პირველი მოადგილე **პეტრე კანკავა**, რომელიც ჩვენთან ერთად ესწრებოდა ღია გაკვეთილს. ალბათ შეგვიძლია კიდევ ვიამაყოთ იმით, რისი გაკეთებაც მოხერხდა მომავალი თაობებისთვის აფხაზური ენის პოპულარიზაციის მხრივ. შეუძლებელია გულგრილად გადაავლო თვალი ბავშვების ასეთ გულმოდგინებას, როცა ისინი აფხაზურ ენაზე ცნობილი პოეტების ლექსებს კითხულობენ, გვიყვებიან აფხაზეთის ისტორიისა და კულტურული მემკვიდრეობის შესახებ.“

მადლობა მინდა გადავუხადო მშობლებს, პედაგოგებს, თავად ბავშვებს, სკოლის დირექციას, აფხაზური ენის შესწავლის საქმეში დიდი წვლილის შეტანისთვის. სწორედ ეს გახლავთ აფხაზებთან ჩვენი ურთიერთობებისა და ნდობის აღდგენის ერთ-ერთი წინაპირობა. აფხაზეთისადმი პატივისცემა იმითაც უნდა გამოიხატოს, რომ ჩვენ ქართველებს მხოლოდ აფხაზურ ენაზე საუბარი კი არ შეგვეძლოს, არამედ, გავაკეთოთ ყველაფერი აფხაზური ენის შესწავლა-განვითარებისა და მისი მომავალი თაობებისთვის შესაწარმუნებლად“.

აფხაზეთის №2 საჯარო სკოლამ აფხაზური ენის ინტეგრირებული გაკვეთილის შემდეგ იგივე სტუმრები მოსწავლეების მიერ აფხაზურ ენაზე წარმოდგენილი მინი-სპექტაკლის „ყელში



მოზენილი მონატრება“ პრემიერაზე მიიწვია. სპექტაკლში აფხაზეთისა და ქართველების მეგობრული და სიყვარულით სავსე თანაცხოვრება, აფხაზურ ტრადიციებსა და სტუმარმასპინძლობაზე აგებული ურთიერთობები და ყოველივე ამის მონატრება იყო გადმოცემული. სპექტაკლზე მოსწავლეებმა ქართულ-აფხაზური სიმღერები და აფხაზური ცეკვებიც შეასრულეს, რითაც აფხაზური ენისა და კულტურის ცოდნა და პატივისცემა გამოხატეს.

სპექტაკლს ასევე ესწრებოდნენ საქართველოს განათლებისა და მეცნიერების სამინისტროს ეროვნული სასწავლო გეგმების დეპარტამენტის წარმომადგენელი **თამარ ჯაყელი**, აფხაზეთის №2 საჯარო სკოლის მოსწავლეები და პედაგოგები.

ვირტუალური მუზეუმის პრეზენტაცია შედგა

სალომე თორია

საქართველოს კულტურისა და ძეგლთა დაცვის სამინისტროში „აფხაზეთის ა/რ ისტორიის, კულტურისა და ეთნოლოგიის ვირტუალური (ონლაინ-მუზეუმი) მუზეუმის“ პრეზენტაცია გაიმართა. ონლაინ-მუზეუმი აფხაზეთის ა/რ განათლებისა და კულტურის სამინისტროს კულტურულ ფასეულობათა დაცვის სამსახურმა აფხაზეთის ა/რ მთავრობის მხარდაჭერით შექმნა.

აფხაზეთან დაკავშირებული კულტურული მემკვიდრეობის ძირითადი ნაწილი ოკუპირებული აფხაზეთის ტერიტორიაზეა განთავსებული, ნაწილი კი საქართველოს სხვადასხვა მუზეუმებსა და საცავებშია დაცული. მათი ერთობლივად, ერთ სივრცეში წარმოსაჩენად აფხაზეთის ავტონომიური რესპუბლიკის განათლებისა და კულტურის სამინისტრომ გადაწყვიტა, ონლაინ მუზეუმების შექმნის საერთაშორისო პრაქტიკა გამოეყენებინა. შესაბამისად, ონლაინ-მუზეუმში თავი მოუყარა აფხაზეთის არქიტექტურის, ალექსანდრე შერვაშიძის სახელობის, აფხაზეთის თანამედროვე მხატვრების, არქეოლოგიისა და ხელნაწერების საგამოფენო დარბაზებს. ამ დარბაზებში გამოყენებულია საქართველოს ეროვნული მუზეუმის, ხელნაწერთა



ეროვნული ცენტრის, საქართველოს კულტურული მემკვიდრეობის დაცვის ეროვნული სააგენტოს მასალები. ონლაინ-მუზეუმში დამსწრეთ აფხაზეთის ა/რ განათლებისა და კულტურის

სამინისტროს კულტურულ ფასეულობათა დაცვის სამსახურის უფროსმა **ირაკლი გელენავამ** წარუდგინა.

ონლაინ-მუზეუმის მნიშვნელობაზე ისაუბრეს საქართველოს კულტურისა და ძეგლთა დაცვის მინისტრის მოადგილემ **ლევან ხარატიშვილმა**, აფხაზეთის ავტონომიური რესპუბლიკის მთავრობის თავმჯდომარის მოვალეობის შემსრულებელმა **ვახტანგ ყოლბაიამ**, აფხაზეთის ა/რ უმაღლესი საბჭოს თავმჯდომარემ **ელგუჯა გვაზავამ**, აფხაზეთის ა/რ განათლებისა და კულტურის მინისტრმა **დიმიტრი ჯაიანმა** და სხვ.

ასევე ითქვა, რომ პროგრამა განკუთვნილია პედაგოგებისა და საკითხით დაინტერესებული მოქალაქეებისათვის. მისი გამოყენება, როგორც თვალსაჩინოებისა, შესაძლებელია საგანმანათლებლო სივრცის ნებისმიერ საფეხურზე, რადგან იგი ხელს შეუწყობს კულტურული მემკვიდრეობის ვიზუალური სახისა და ისტორიის უკეთ აღქმასა და გააზრებას.

პრეზენტაციას აფხაზეთის ა/რ მთავრობისა და უმაღლესი საბჭოს დეპუტატები, არასამთავრობო წრეების წარმომადგენლები, ამ თემატიკაზე მომუშავე მკვლევარები და სხვ. ესწრებოდნენ.

დანართი: იხ. ბმულით <http://meca.gov.ge/vm/>

აფხაზეთის საბუნდო კაპელა – საერთაშორისო ფესტივალებზე

ნატო ქორსანტია

თბილისი, საგუნდო მუსიკის VII საერთაშორისო ფესტივალი

ახლახან თბილისის საგუნდო მუსიკის VII საერთაშორისო ფესტივალი წარმატებით დასრულდა. წლებადღეულ ფესტივალში მონაწილეობდნენ საქართველოში არსებული აკადემიური და ბავშვთა გუნდები; ასევე, პროფესიული გუნდები უცხოეთიდან: ახალგაზრდული კამერული გუნდი „რაფსოდია“ მოლდოვადან და ესტონეთის მუსიკისა და თეატრის აკადემიის რუსული გუნდი, მათ შორის აფხაზეთის გურამ ყურაშვილის სახელობის სახელმწიფო საგუნდო კაპელა.

ფესტივალის მიზანია ქართული საგუნდო საშემსრულებლო ტრადიციების შენარჩუნება, განვითარება და პოპულარიზაცია; შემოქმედებითი ურთიერთობების დამყარება უცხოეთის საგუნდო კოლექტივებთან და მათი შემოქმედების გაცნობა ქართველი მსმენელისთვის. ფესტივალი უკვე მეშვიდე წელია დიდი წარმატებით ტარდება. მან ღირსეული ადგილი დაიმკვიდრა ქალაქის კულტურულ ცხოვრებაში თუ საგუნდო მუსიკის მოყვარულთა შორის.

„თბილისის საგუნდო მუსიკის საერთაშორისო ფესტივალი“ 2011 წელს ხელოვნებათმცოდნე მაია ჩაჩავას ინიციატივით დაარსდა. მაია ჩაჩავასავე თქმით, „ფესტივალმა საერთაშორისო მასშტაბი მალევე შეიძინა. ფესტივალი ძალიან მნიშვნელოვანია იმით, რომ ჩამოდის უცხოელი მსმენელი და ისმენს ჩვენს ქართულ გუნდებს. ბოლო წლებში კლასიკურმა მუსიკამ საქართველოში წინ წაიწია, უამრავი გუნდი შეიქმნა და უამრავი კომპოზიტორი გაჩნდა ნიკო სულხანიშვილიდან დაწყებული დღემდე“.

ფესტივალის სამხატვრო ხელმძღვანელია ქორმაისტერი – არჩილ უშვერიძე. თბილისის მერიისა და საქართველოს კულტურისა და ძეგლთა დაცვის სამინისტროს მხარდაჭერით ფესტივალი ყოველწლიურად, გაზაფხულზე იმართება. მისი პარტნიორი და თანაორგანიზატორია საქართველოს ეროვნული მუსიკალური ცენტრი, ნიკოლოზ რაჭველის ხელმძღვანელობით.

აღსანიშნავია, რომ საერთაშორისო ასპარეზზე უკვე საკმაოდ აღიარებული აფხაზეთის სახელმწიფო კაპელა ამ ფესტივალის ყოველწლიური მონაწილეა. წლებულს აფხაზეთის კაპელამ საგუნდო მუსიკის VII საერთაშორისო ფესტივალზე გამოსვლა კაპელის დამფუძნებლის, მაცესტრო გურამ ყურაშვილის ხსოვნას მიუძღვნა.

ზვიად ბოლქვაძე, აფხაზეთის გურამ ყურაშვილის სახელობის სახელმწიფო კაპელას სამხატვრო ხელმძღვანელი:

- მისარია, რომ ჩემთვის ყველაზე ძვირფასი მუსიკალური ჟანრი გარკვეულწილად გამოცოცხლდა საქართველოში. ეწყობა საგუნდო ფესტივალი, ასევე, საგუნდო კონკურსები და ეს ძალიან დიდი ბედნიერებაა. ასეთ სერიოზულ ფესტივალში გუნდი ჩემთან ერთად პირველად მონაწილეობდა და მე თუ გუნდის თითოეულმა წევრმა შესაძლებლობის მაქსიმუმი ჩავდეთ აქ გამოსვლაში. ამისთვის მინდა თითოეულ მათგანს მადლობა ვუთხრა. წლებადღეულ ფესტივალზე ჩვენი გამოსვლა მიეუძღვნენ ბატონ გურამ ყურაშვილის ხსოვნას. ის თითქოს ჩემთან ერთად დირიჟორობდა, ჩემს გვერდით იდგა და დიდი მადლობა მინდა მას ვუთხრა ყველაფრისთვის, იმ ღვანლისთვის, რაც ამ კაპელისთვის გასწია.

კაპელამ ფესტივალზე შეასრულა ორი ნაწარმოები: გოგი ჩლაიძის „სალაღობო“ (რომელიც კომპოზიტორმა საგანგებოდ აფხაზეთის კაპელისთვის შექმნა) და მარტინ ლაურიდსენის „O Magnum Mysterium“.

ფესტივალის ორგანიზატორების გადამწყვეტილებით, კონსერვატორიის მცირე დარბაზში გამართულ კონცერტზე, რომელშიც აფხაზეთის კაპელა მონაწილეობდა, საგანგებოდ მოიწვიეს გურამ ყურაშვილის ოჯახის წევრები და მათ მაცესტრო გურამ ყურაშვილის გარდაცვალების შემდეგ, მისი ხსოვნის უკვდავსაყოფად დაწესებული ჯილდო: „თბილისის საგუნდო მუსიკის საერთაშორისო ფესტივალის“ საპატიო სიგელი



„საგუნდო მუსიკის განვითარებაში გამორჩეული წვლილისათვის“ და მედალი „განსაკუთრებული ღვაწლისთვის“ გადასცეს.

ამასთან დაკავშირებით მაია ჩაჩავამ, თბილისის საგუნდო მუსიკის საერთაშორისო ფესტივალის დამფუძნებელმა და დირექტორმა აღნიშნა:

- საქართველოს ჰყავდა არაჩვეულებრივი მუსიკოსი, ბრწყინვალე ადამიანი გურამ ყურაშვილი, რომელმაც დააფუძნა ძალიან კარგი გუნდი - აფხაზეთის კაპელა. შარშან ზუსტად ამ დროს გარდაიცვალა ბატონი გურამი. ფესტივალის ორგანიზატორებმა გადავწყვიტეთ, რომ ის სიკვდილის შემდეგ საპატიო სიგელით და მედლით „განსაკუთრებული ღვაწლისათვის“ დაგვეჯილდოებინა. მისი სახელი დაუვინყარი იქნება ქართულ საგუნდო მუსიკაში.

ირაკლი ყურაშვილმა, გურამ ყურაშვილის შვილმა აღფრთოვანება გამოთქვა სასიამოვნო საღამოსთვის და დიდი მადლობა გადაუხადა ფესტივალის ორგანიზატორებს გურამ ყურაშვილის დაფასებისათვის.

„თბილისის საგუნდო მუსიკის VII საერთაშორისო ფესტივალი“ თბილისის სახელმწიფო კონსერვატორიის დიდ დარბაზში საზეიმოდ დაიხურა. ნიკოლოზ ბარათაშვილის 200 წლის იუბილესთან დაკავშირებით შესრულდა ცნობილი ქართველი კომპოზიტორის – ოთარ თაქთაქიშვილის ორატორია „ნიკოლოზ ბარათაშვილი“ სოლისტების, შერეული გუნდის, ვაჟთა ოქტეტისა და ორკესტრისათვის.

პოლონეთი, ქ. ლუბლინის პარტნიორი ქალაქების III საერთაშორისო საგუნდო ფესტივალი



აფხაზეთის გურამ ყურაშვილის სახელობის სახელმწიფო საგუნდო კაპელა ამ დღეებში ასევე წარმატებით გამოვიდა პოლონეთში, ქ. ლუბლინის პარტნიორი ქალაქების III საერთაშორისო საგუნდო ფესტივალზე. აღმოსავლეთ პოლონეთის ქ. ლუბლინი წარმოადგენს პოლონეთის ერთ-ერთ მნიშვნელოვან კულტურულ, საგანმანათლებლო, ტურისტულ ცენტრს. წლებულს ქალაქ ლუბ-

ლინს დაარსებიდან 700 წელი შეუსრულდა და ფესტივალიც ამ თარიღს მიეძღვნა.

აფხაზეთის სახელმწიფო საგუნდო კაპელა ფესტივალში მონაწილეობისთვის პოლონურმა მხარემ საგანგებოდ შეარჩია. კაპელის გამგზავრება შესაძლებელი გახდა ქ. თბილისის მერიის დაფინანსებითა და აფხაზეთის ა/რ. განათლებისა და კულტურის სამინისტროს თანადაფინანსებით.

ფესტივალი ლუბლინში 2013 და 2015 წლებში გაიმართა და ქალაქის მაცხოვრებლებში დიდი ინტერესი გამოიწვია. მან საფუძველი ჩაუყარა მუსიკალურ ჯგუფებსა და მათ პარტნიორ ქალაქებს შორის დამეგობრებას. ის ქ. ლუბლინის მერიის ორგანიზებითა და ქ. ლუბლინის მარი სკლოდოვსკა-კიურის უნივერსიტეტის გუნდის თანადგომით იმართება ხოლმე.

წლებულს ფესტივალის ფარგლებში ჩატარდა კონცერტები საქართველოდან, გერმანიიდან, იტალიიდან, უკრაინიდან ჩამოსული ქ. ლუბლინის პარტნიორი ქალაქების გუნდებისა, თვით ქ. ლუბლინის მარი სკლოდოვსკა-კიურის უნივერსიტეტის გუნდისა და ფილარმონიის ორკესტრის მონაწილეობით.

აფხაზეთის საგუნდო კაპელამ ფესტივალზე, კაპელას სამხატვრო ხელმძღვანელის ზვიად ბოლქვაძის დირიჟორობით, ქართველ და უცხოელ კომპოზიტორთა საგუნდო ნაწარმოებები ტრადიციულად შთამბეჭდავად შეასრულა.



სოხუმის დრამატულმა თეატრმა ახალსახლობა იზეიმა

ნატო კორსანტია

სოხუმის კონსტანტინე გამსახურდიას სახელობის სახელმწიფო დრამატულმა თეატრმა ახალსახლობა იზეიმა. აფხაზეთის ავტონომიური რესპუბლიკის მთავრობამ სოხუმის თეატრს აფხაზეთში დაბრუნებამდე, საკუთარებაში ოფისი და სარეპეტიციო დარბაზი გადასცა. უჭეროდ დარჩენილმა თეატრმა, 24 წლიანი დევნილობის შემდეგ, აფხაზეთის არ განათლებისა და კულტურის სამინისტროს შენობაში დაიდო ბინა. ამ მოვლენის აღსანიშნავად თეატრის ახალი ოფისისა და სარეპეტიციო დარბაზის პრეზენტაცია გაიმართა.

პრეზენტაციას აფხაზეთის ავტონომიური რესპუბლიკის მთავრობის თავმჯდომარის მოვალეობის შემსრულებელი ვახტანგ ყოლბაია, საქართველოს კულტურისა და ძეგლთა დაცვის მინისტრის მოადგილე მანანა ბერიკაშვილი, აფხაზეთის ავტონომიური რესპუბლიკის განათლებისა და კულტურის მინისტრი დიმიტრი ჯაიანი, აფხაზეთის ავტონომიური რესპუბლიკის უმაღლესი საბჭოს დეპუტატები, თეატრმცოდნეები, თეატრების სამხატვრო ხელმძღვანელები, რეჟისორები და მსახიობები დაესწრნენ. სტუმრებს თეატრის სამხატვრო ხელმძღვანელი დავით საყვარელიძე და მთელი დასი მასპინძლობდა.

ახალსახლობასთან დაკავშირებით კ. გამსახურდიას სახელობის სახელმწიფო დრამატულმა თეატრმა საგანგებო განცხადება გაავრცელა, რომელშიც ნათქვამი იყო:

„ძვირფასო მეგობრებო, მას შემდეგ რაც ჩვენმა დასმა 1993 წელს იძულებით დატოვა სოხუმი, თბილისში დაიწყო მოღვაწეობა. 9 წლის განმავლობაში შეგვიფარა რუსთაველის თეატრის სამხატვრო ხელმძღვანელმა რობერტ სტურუამ და თეატრის დირექტორმა გაი თევზაძემ. შემდეგ რამდენიმე წელი

მარჯანიშვილის თეატრმა მიგვიღო. ლევან წულაძემ და ეკა მაზმიშვილმა საოცარი მასპინძლობა გაგვინია. ამის მერე სამეფო უბნის თეატრმა გამოგვინოდა დახმარების ხელი, რისთვისაც დიდ მადლობას ვუხდით მერაბ და ნიკა თავაძეებს. შემდეგ ავთო ვარსიმაშვილმა შეგვიკედლა თავისუფალ თეატრში. 2013 წლიდან ირაკლი გოგიამ გაგვიღო ახმეტელის თეატრის კარი, სადაც დღემდე ვმართავთ წარმოდგენებს. უღრმესი მადლობა თითოეულ მათგანს ასეთი მხარდაჭერისთვის!

მიუხედავად ასეთი მეგობრებისა და თანადგომისა, დაგვეთანხმებით თეატრის სრულფასოვანი მუშაობისთვის საჭიროა საკუთარი ბინა, შენობა, სადაც თეატრი უფრო ნაყოფიერად შეძლებს საქმიანობის წარმართვას. უნდა ვაღიაროთ, რომ 1993 წლიდან ვერც ერთმა მთავრობამ ვერ მოახერხა სოხუმის თეატრისთვის თუნდაც პატარა თავშესაფარის გამოწახვა.

დღეს კი სასიხარულო ამბავი გვაქვს: აფხაზეთის ავტონომიური რესპუბლიკის მთავრობამ გადმოგვცა სარეპეტიციო და საოფისე ფართი. როგორც იქნა, თეატრმა საკუთარი ბინა შეიძინა. დევნილობაში მყოფი თეატრისთვის ეს დიდი საჩუქარია.

დამეთანხმებით, დღეს დევნილთა პრობლემები ყველაზე აქტუალური პოლიტიკური პრობლემებია მსოფლიოში. ამ საკითხებზე ევროპის და მსოფლიო საერთაშორისო ორგანიზაციები მუშაობენ. ჩვენც დავიწყეთ ამ საერთაშორისო ორგანიზაციებთან თანამშრომლობა. საკუთარი შენობის, მისამართის მოპოვება ერთ-ერთი ფუნდამენტური ნაბიჯია განვითარების გზაზე.

გვინდა პირადად დიდი მადლობა გადავუხადოთ დიმა ჯაიანს, რომელმაც გადაარჩინა სოხუმის გამსახურდიას სახელობის სახელმწიფო თეატრი გაქრობისგან და ახა-



ლი შენობის გადმოცემაში მთავარი როლი შეასრულა. აქვე გვინდა დიდი მადლობა გადავუხადოთ ვახტანგ ყოლბაიას, აფხაზეთის ავტონომიური რესპუბლიკის მთავრობის თავმჯდომარეს, რომელმაც გულთან ახლოს მიიტანა ჩვენი სატკივარი და ეს დიდებული საქმე დაავიკრვინა“.

სოხუმის თეატრი ამიერიდან საკუთარ შენობაში გააგრძელებს საქმიანობას, თუმცა საკუთარი დარბაზი, სადაც ის სპექტაკლებს გამართავს, კვლავაც მომავლის პრობლემად რჩება.



ახალსახლობას პრემიერა მოჰყვა

სოხუმის კონსტანტინე გამსახურდიას სახელობის სახელმწიფო დრამატულმა თეატრმა მარჯანიშვილის თეატრის სხვენზე მარტინ მაკდონახის „ოპოლი დასავლეთის“ მიხედვით ზურაბ სამადაშვილის მიერ დაწერილი პიესა „ნაბუშრები“ წამოადგინა. სპექტაკლის რეჟისორია გიორგი ქანთარია, მხატვარი არჩილ მაისურაძე.

სპექტაკლში გამოყენებულია ამერიკელი აბორიგენების (ინდიელების) ფოლკლორი, ვ. ვისოცკის და „System of down“-ის მუსიკა.

მოქმედნი პირნი და შემსრულებელნი: მამა იობი - დიმიტრი ჯაიანი, საქართველოს სახალხო არტისტი; ბელო - მერაბ ყოლბაია;

ტახო - ბადრი ბეგალიშვილი; ქეთი - ვერიკო კალანდია.

რეჟისორ გიორგი ქანთარიას განმარტებით, „მარტინ მაკდონახის „ოპოლი დასავლეთის“ მიხედვით დაწერილი ზურაბ სამადაშვილის პიესა „ოპოლები“, შავი კომედიაა. იგი გაჯერებულია მსუბუქი იუმორით და დღევანდელ ქართულ რეალობასაც ასახავს.

თანამედროვე იგავი მოგვითხრობს ქალაქის გარეუბანში მცხოვრებ და გამოდევნილ ერთმანეთში მოჩხუბარ ორ ძმაზე. უბნის ეკლესიის მსახური მამა იობი ხშირად არის ძმებთან და მუდამ მათ შერიგებას ცდილობს, ვიდრე ერთ-ერთი ჩხუბისას არ გაიგებს, რომ ერთ ძმას საკუთარი მამა ჰყავს მოკლული, ხოლო მეორე ამ ამბავს ძმის ქო-

ნების ხელში ჩაგდებას მიზნით არ ამხელს. მამა იობი ვეღარ უძლებს ამდენი ცოდვის ყურებას. ისედაც მთელი უბანი ცოდვებშია ჩაძირული, „ძმები ერთმანეთს სასიკვდილოდ იმეტებენ, გოგოები სპირტით ვაჭრობენ, ორი კაცის მკვლეელი კი არხეინად დაიარება ქუჩაში“. და გადაწყვეტს, რწმენის მაგალითი აჩვენოს ხალხს და წყალზე გაველას შეეცდება, მაგრამ უშედეგოდ. ის იხრჩობა. თუმცა ამბობენ, რომ მან წყალზე ორი ნაბიჯის გადადგმა შეძლო. ამ ამბის შემდეგ, ძმები გადაწყვეტენ მამა იობის დანაბარების თანახმად, ყველა წყენა და დანაშაული მოუყვანონ და მიუტევონ ერთმანეთს, მაგრამ, სამწუხაროდ, ეს ურთიერთალსარებაც სისხლისმღვრელ ბრძოლად გადაიქცევა“.

პროექტი განხორციელდა საქართველოს კულტურისა და ძეგლთა დაცვის სამინისტროსა და თბილისის მერიის ხელშეწყობით.

პრემიერის შემდეგ პუბლიცისტმა, პროფესორმა იოსებ ჭუმბურიძემ აღნიშნა:

„სპექტაკლი ყოველმხრივ გამართულია - დრამატურგიულად, რეჟისორულად, აქტიორულად.

ნამდვილად მოიხიბლებით დიმიტრი ჯაიანის (მამა იობი) აქამდე უცნობი არტისტული ფერებით, სიღინჯითა და მოთოკილი ემოციით, მერაბ ყოლბაიას (ბელო) სრული გარდასახვით, ბადრი ბეგალიშვილის (ტახო) იშვიათი ბუნებრივობით, იმიტაც, თუ როგორ უბამს მხარს გამოცდილ არტისტებს სრულიად ახალგაზრდა ვერიკო კალანდია.

სულ ოთხი პერსონაჟია - ორი ძმა, ერთი ქალი და მღვდელი. ძმები ოპოლები ნამდვილად არიან, მაგრამ ნაბუშრებად რატომ მოიხსენიებენ, გაუგებარია.

ამბავი, რომელიც სცენაზე თამაშდება, უაღრესად მწვავე და დრამატულია. ძმები ისე ჩხუბობენ, მღვდელიც ვერ აშველებთ. მამა იობს იქით ახსენებენ უწინდელ ჯიბირობას და აწინდელ ლოთობას.

ირკვევა, რომ ერთ-ერთ ძმას მამა შეგნებულად მოუკლავს და არა შემთხვევით. მამა იობისთვის ეს თავზარდამცემია.

ამ ფონზე დიმიტრი ჯაიანმა უნდა განასახიეროს მღვდელი, რომელსაც ყველაფრის მიუხედავად სჯერა, რომ რწმენას მართლა შეუძლია, ადამიანი წყალზე გაატაროს. ამას საკუთარ თავზე გამოცდის, რასაც შეეწირება, სამაგიეროდ, მისი საქციელი ძმებს შეარიგებს.

დიმიტრი ჯაიანი ამ ყოველივეს შესაშური დამაჯერებლობით წარმოგვიდგენს. ეს სპექტაკლი უდავო წარმატებად უნდა ჩაეთვალოს სოხუმის თეატრს და ახალგაზრდა რეჟისორს გიორგი ქანთარიას.“



გენო კალანდიას ხსოვნას!

აფხაზეთში დამბხუნებერთა ჩიყხვს გამოაჲღდა ჟიდევ ჟითი ლიხსეული ადამიანი - გენო ჯაღანდია, ჭაჩიზმა-ტელი და განსაჟეთიებული ხიბლის მქონე პიხოვნება, ჰომერლსაჲ ჟითჲხოუღად დაჰყევებოდა საქაჲთველოს ოჲი ძიიძველი ჟეთისი - აფხაზეთისა და სამეგჲელოს სუხნელი.

გენო ჯაღანდია იყო გამოჩენილი ქაითველი ჰოეტი და საზოგადო მოღვაწე, შოთა ჰუსთაველის, საქაითველოს სახელმწიფო, იღია ჭავჭავაძისა და გიოიგტი მჰაჰვაშიძის პჲემიების ღაჟეჲატი, აფხაზეთის ღიტჲჲატჲისა და ხელოვნების შემოქმედებითი ჯავშიხის თავმჯდომაჲი... თანამერჲოვე ქაითული მწეჲლობის განვითაჲებაში მუ-ტანილი წვლიღისათვის დაჲიღღოებული იყო ლიხსების ოჲღენით.

გენო ჯაღანდია 30-მდე ჰოეტჲჲი ჭიებელისა და ჲჰამატელი პიესის ავტოიჲა. მისი ღეჟსები თაჲგმწიღია და ცაღეე ნიგნებად აიის გამოცემელი ჰამდენიმე ენაზე. სიყვღიღამდე ცოტა ხნით აჲჲე გამოჲიდა გენო ჯაღანდიას „საგაღობღების“ ოჲტომეული, ჰომერღც სჲელიად ახად მწეჲჲავღს, „სიმალღით ნაჲმოჩენილ ახად სიმალღეს“ ნაჲ-მოაღგენს მის შემოქმედებაში. „საგაღობღებით ეფღისადმი“ ჰოეტჲმა თითჲოს ეფაღთან გაჲდასვღის მოახღოება იგჲძრო და მთელი გელისჲჲი მისჲენ მიაჰჲჲო, თითჲმის ყივეღღე აღსაჲებას აბაჲებდა თვით ეფაღს. ამედნად, მჲიღღება ითჲვას, ჰომ ჟითგვაჲად მემზადებული გადაჲიდა ზეციჲს საქაითველოში.

მაჲაღიელი სასუფეველი დაუმჲიღიღოს ეფაღმა!



სიტყვით - მგაღლობელი მან გული საქართველოს გაერთიაწებას შეახია!

საქართველოს დააკღდა მამუღიღვიღი, პოეზიას პოეტი! აზროვნებას მოაზროვნე!

პოეზია, ზოგადად, მგზავრობაა მარადისობაში, უფრო სწო-რად კი, მოგზაურობა.

ღიახ, გენო კალანდიამ დაიწყო ეს მგზავრობა აქ – დედამიწაზე და გააგრძელა ზესთასოფლიურ აწ-უჲვე მარადისობაში. საქართველო იყო მისი სუნთქვა, სამეგრელო – გული, აფხაზეთი – ნაღვე-ლი. ღიახ, ნაღველი, რადგან, პოეტმა, საკუთარ თავზე იწვია და გამოსცადა ყველა ის უბედურება, საშინელება და კაენის ზემიი, რაც თან ახლავს ომს. გადმოიარა ჭუბერის უღელტეხილი, ბევრ-ჯერ ჩახვდა სიკვდილს თვალებში და დიდი დაწტეს „ჯოჯოხეთი“ სიცოცხლეშივე გაითავისა. ომის შემდეგ დიღხანს ღუმდა მისი კა-ლაში და ეს ღუმილიც გახმოვანდა მის შემოქმედებაში, როგორც ხსნა, იმედი, უფრო მართლად – იმედის გარდამოხსნა. და ის მიევი-და უფლამდე სწორედ „უფლის საგაღობღებით“, აწ, რწმენის ჯაჲ-ვითა თუ ეკლის კანდელით. ძნელია, რა თქმა უნდა, გენო კალან-დიაზე წარსულში საუბარი, რადგან ის სიცოცხლეს ჩუქნიდა არა მარტო პოეზიას, მის გარემეო მყოფთ, მეგობრებს, ახლობლებს, ნათესავებს. ყველას ახარებდა და ახალისებდა. და, თურმე, ამასო-ბაში, საწთელივით ილეოდა. მის სადარბაზოში, მესამე სართულზე, სწორედ გენო კალანდიას საცხოვრისის კარებს მალღა, მერცხალს ბუდე გაეკეთებინა და, აღბათ, სახლობდა კიდევ. როგორ მოახერ-ხა დახურულ, თანამედროვე ბინის რკინისკარიან სადარბაზოში ამ მართლა სასწაულის შექმნა, საკვირველების ტოღფასია. იქნებ ის მერცხალიც პოეტია და აღბათ გამოჩწდება კიდევც... პოეტის სული დახვდება ზეცაში - ლექსებით მეტყველი და პოეზიით ასან-თლებული. და საერთოდაც, ლექსს ბევრი წერს, პოეზიას ქმნიან ერთეულები. გენო კალანდია ამ ერთეულთა აწუ რჩეულთა რიგის ღირსეული წევრი იყო, მეციხოვნეც, მეაბჯრეც და მაღლის მტვირ-თველიც. ღიახ, მარტოოდენ „ლექსი სამეგრელოზე“-ც იკმარებდა მისი პოეტური ღირსების უკვდავსაყოფად.

„სისხლივით ამიჯანყდები, სამეგრელოზე ფიქრო, მაცხოვრის დაბადებიდან გადაუშლელო წიგნო. ვაზივით გულდასეტყვილო, ჯვარზე გაკრულო ნებით, ხვალ მშობლით შეგეხიდები, ზეგ საკუ-თარი ძვლებით... არც აკაკი ვარ, არც ვაჟა, არც მოციქული ზევ-სის, უბრალოდ, სიკვდილს ვაპირებ, სიკვდილს ვაპირებ მენთვის“. და თუ პოეზია უკვდავებაა, მაშინ არც აღსასრულია დასასრული და, პირიქით, არც დასასრულია აღსასრული... რადგან, ყოველივე სიცოცხლესა და მარადიულობას ემსახურება. ყოველივე, მაინც, გზა და მგზავრობაა - პოეზიიდან პოეზიისაკენ! „პირველ იყო სიტყვა და სიტყვა იგი იყო ღმრთისა თანა...“ „დასაბამიდან იყო სიტყვა, და სიტყვა იყო ღმერთთან და ღმერთი იყო სიტყვა“... და შეუერთდა ისევ სიტყვას - სიტყვის კიდევ ერთი მსახური...

და მართლაც-რომ „შეუცნობელნი არიან გზანი უფლისანი...“

თემურ შავლაძე

სიტყვით ვერაფერს შემატებ

იმით დავიწყებ, რომ გენო კალანდია იყო ჩემი მეგობარი, ერთგული მეგობარი. ვიდრე მის პოეზიაზე ვიტყოდე ორი-ოდე სიტყვას, აღვნიშნავ, რომ გენო იყო ნამდვილი პატრიო-ოტი და ის თვისებები, რაც ნამდვილ პატრიოტს ახასიათებს, მას ჭარბად ჰქონდა. ის განეკუთვნებოდა იმ იშვიათ ადა-მიანთა რიცხვს, რომელიც დღედაღამ სამშობლოზე, აფხა-ზეთზე ფიქრობდა, კონიუნქტურისგან იყო დაცლილი და ამიტომაცაა ფასეული მისი განცდა, როგორც სამშობლოს ბედზე მოფიქრალი კაცისა.

ქართული პოეზია გენო კალანდიას პოეზიის გარეშე წარ-მოუდგენელია. მისი პოეზიისთვის დამახასიათებელია მდი-დარი პოეტური ხატებები, პოეტური, ლექსიკა, სიტყვის მა-რაგი, მამაკაცური განცდა და ვნება.

გარდაცვლილებზე უკეთესად ვლაპარაკობთ ხოლმე, ვიდ-რე ცოცხლებზე. გენო კალანდიას ეს არ სჭირდება. სიტყვის თქმით თუ არ დააკლებ, ვერაფერს შემატებ მას.

მე ის ყოველთვის მემახსოვრება, ვიდრე ცოცხალი ვარ. ჩვენ ყოველთვის ერთად ვიდექით და კვლავაც ერთად ვართ!

ძალიან მიყვარდა!

ნათელში იყოს მისი სული!

რეზო ამაშუკელი

ასეთი რამ გავიგე, ამ საუფლოში, ამ საოცარ სიონის ტაძარში სამოქალაქო პანაშვიდი იშვიათად სრულდება თურმე. პასუხად გონებაში ამომიტიტივდა გენო კალანდიას ბოლო საოცარი ორ-ტომეული „საგაღობღები უფლისათვის“. მან თითქოს წინასწარ განსაზღვრაო, თუმცა ძალიან უნდოდა დიღხანს ეცოცხლა, სა-იდან გაასვენებდნენ და სად დაკრძალავდნენ. გენო კალანდიას ერთი ლექსი გამახსენდა და მის ფინალს წაგიკითხავთ. ლექსი ტიციან ტაბიძის ხსოვნას ეძღვნება:

„უყვარდა ფშავის ორი არაგვი და გარდაცვლილი მამის ცხონება და შეახია ორაგულივით ათი გირვანქა გული ცხოვრებას!“

ღიახ, გენო კალანდიამ თავისი გული საქართველოს გაერთი-ანებას შეახია!

გენო კალანდიამ იმ აფხაზ პოეტებს, რომლებიც დღესაც მოღვაწეობენ, თავისი უანგარო, გვერდში კაცური დგომით სიყ-ვარული და თანადგომა არაერთხელ დაუდასტურა. არასდროს დამავეიწყდება, პოეტი ბორის გურგულია, რომელიც ომის დროს ეშერის ხიდზე გადმოვიდა... და მერე როგორ მოძებნა მან გენო კალანდია და როგორ აპოვნინა გენომ გარდაცვლილი შვილი!

სიტყვა რომ არ გამიგრძელდეს, გენო კალანდიას კიდევ ერთი ლექსის ფინალს შეგახსენებთ. ლექსს ჰქვია: „სიმღერა სამეგრე-ლოზე“. მე გავებედავი და ასე ვიტყოდი, ესე იგი, „სიმღერა სა-ქართველოზე“.

„არც აკაკი ვარ, არც ვაჟა, არც მოციქული ზევისი, უბრალოდ, სიკვდილს ვაპირებ, სიკვდილს ვაპირებ მენთვის!..“

აუხდა კიდევაც!

„მშვიდობით, ძმაო! საუკუნოდ იყოს ხსენება შენი!“

დიმიტრი ჯაიანი

გულის ხმით მოტანილი პოეზია...

როცა გენო კალანდიაზე, მის პოეზიაზე ფიქრობ, აღსანიშ-ნავი მრავლადაა, მაგრამ ის ზუსტი და ზომიერი აქცენტები, რომელსაც, სწორად აღქმის შემთხვევაში, იმ ნიშნულამდე მიჰ-ყავხარ, სადაც პოეტის სამყარო იწყება, ყველაზე საინტერესო და ემოციისმომგვრელია. ამ ზღვარზე დიღხანს ვერ ყოვნდები, რადგან იმპულსი გამოდრავებს და მოქმედება გარდაუვალია - სტრიქონ-სტრიქონ, სიტყვა-სიტყვა მიჰყვები პოეტს, გზადაგზა თითქოს ხელით ეხები (მეხების შეგრძნება აშკარაა!) წარმოსახ-ვებს, აწ სულაც ისე გადიხარ მათ შორის, როგორც ბურუსში და რაც მეტს ივლი, უფრო პოეზიას შეისრუტავ. საინტერესო კი ის არის, რომ ეს ყველაფერი შენთან რჩება და ხშირად ხვდები, რომ ეს შეგრძნება ითხოვს თავის ნაწილს, რომელიც მის წიგნებ-ში განუსაზღვრელი საწყაულით არის გაშლილ-გაფანტული და გაცნობიერებული ლტოლვა მიგაბრუნებს სამყაროსკენ, რომ-ლისკენაც სწრაფვა ბედისწერად გექცევა.

ყველას ხომ თავისებურად და... გენო კალანდიას გულის ხმით მოაქვს თავისი პოეზია! აღბათ ამიტომაც, თითქოს პულ-სი ესინჯება მის თითოეულ სტრიქონს, ინტენსივობა არ იძლევა მოდუნების საშუალებას და ხვდები, რომ პოეტის გულისცემას მუდმივად უნდა მიაყურადო, რადგან, ის არასოდეს არის მონო-ტონური და ვინ იცის, რომელ სტრიქონს გაგიზიარებს სამუდა-მოდ და ხსნად აგეკვიატება...

ეპოქა გრძნობს თავის ადამიანებს და განსაკუთრებულ ხიზლს სძენს მათ ყოველი წამისა თუ წუთის მინიშნებით. ამი-ტომაც, გენო კალანდიას პოეზიაში მარადმედიწი სამივე დრო აღნიშნულია და მე მეფიქრება, რომ მომავლისათვის მზადება უდავოა.

მანონ ბულისკერია

ჭაღარა რაინდი

მუდამ თვაწწინ მიღვას ჩვენი პირველი გაცნობა. 1966 წლის სექტემბერში სოხუმის პედაგოგიური ინსტიტუტის პირველ-კურსელს ზუგდიდის რაიონული გაზეთის („მებრძოლი“) რედაქ-ტორმა, უკეთილშობილესმა პიროვნებამ ისაჲ ქორთუამ წერილი გამატანა გენო კალანდიასთვის გადასაცემად. სადაც ითხოვდა, რომ ახალგაზრდა პოეტს სოხუმში მუდამ ყურადღების ცენტ-რში ვყოლოდი. ბატონი გენო მაშინ სოხუმის გაზეთში („კომუ-ნისტური შრომა“) მუშაობდა ჯანო ჯანელიძესთან ერთად. რე-დაქციაში ვეახელი გენო კალანდიას და წერილიც გადავეცი. მან გულში ჩამისუტა, მომეფერა, თან დაამატა: დედაჩემი შენი სოფლიდან - კახათიდან არის. ასე დაიწყო ჩვენი ურთიერთობა, რომელიც 50 წელზე მეტხანს გაგრძელდა. პირადად მე გენო კა-ლანდიას სახით დავკარგე არა მხოლოდ დიდი პოეტი და საზო-გადო მოღვაწე, არამედ საიმედო ძმა და მეგობარი.

გენო კალანდია სიამოვნებით იგონებდა სიჭაბუკეში მოს-კოვში გატარებულ წლებს, რომელმაც დიდი ზეგავლენა იქო-ნია მისი, როგორც პიროვნებისა და შემოქმედის ჩამოყალიბე-ბაზე. მოსკოვში მყოფი ახალგაზრდა პოეტი დაკავშირებული იყო ე.წ „რუსეთის ახლგაზრდა გენიოსების“ ჯგუფთან. ესენი გახლდათ: ლ. გუბანოვი, ი. კუბლანოვსკი, ვ. ალენიკოვი, ა. პახომოვი. ამასთანავე, გენო კალანდია მეგობრობდა ანტი-საბჭოურად განწყობილ რუს მწერლებთან: გ. საპგირი, ი. ვო-როშილოვი, ი. ხოლინი, ე. რეინი, ი. ბროდსკი, ნ. კუბლანოვ-სკაია, ე. კოზოვოი, ს. ლიონი, ე. ლიმონოვი, ხ. სტერინი, ა. ბასილოვა, ა. სუდეიკინი.

დასახელებული რუსი ხელოვანნი ხშირად ჩამოდიოდნენ სა-ქართველოში, სოხუმში ძმები კალანდიების სტუმრები იყვნენ. თარგმნიდნენ გალაკტიონის, ტიციანის, გრანელის და სხვა ქართველ ავტორთა ნაწარმოებებს. ისინი სამაგალითო შთა-ბეჭდილებებით ბრუნდებოდნენ სამშობლოში. ბევრი მათგანი გადასახლეს საბჭოთა კავშირიდან, ბევრი თავისი სურვილით ემიგრაციაში წავიდა. გენო კალანდიას ბიოგრაფიიდან ამ ფაქ-ტებზე აქცენტის გაკეთებას ის გამართლება აქვს, რომ იმუშამად ეს ყველაფერი გარკვეულ რისკთან იყო დაკავშირებული. თუმ-ცა ამას ჩვენი გენო და რენე არ უშინდებოდნენ, აკეთებდნენ იმას, რასაც სულის თავისუფლება კარნახობდა.

გენო კალანდიამ უნიკალური პოეტური წიგნები დაუტოვა საქართველოს, შთამომავლობას, ქართულ პოეტურ კულტუ-რას. ამ წიგნებში მიმზიდველად აღბეჭდილია შინაარსისა და ფორმის ჰარმონია, ევრიტმია, პოეტური ნიჭის მრავალსა-ხეობა, სულიერ-ინტელექტუალური თვალსაწიერი; რთული ლიტერატურული წიაღსვლები და რემინისცენციები; ფილო-სოფიური ელემენტების გახსნა უჩვეულო მხატვრულ წარმო-სახვებში, ფერისა და მუსიკის ერთობლიობა; რომანტიკული პათოსი, მზის, სიცოცხლის, გაზაფხულის სიყვარული თუ ეგ-ზისტენციალური ფანტასმაგორიები; ესკატოლოგიის ბინდი-დან სოტერიოლოგიის სინათლეზე გასვლა, მხატვრული სიტ-ყვის ესთეტიზირებული მაღლის ხიზლი; სახისმეტყველებითი ჯვღერის განუმეორებლობა; ქართული და უცხოური ლექსე-ბის ფორმათა ოსტატური ფლობა, როგორც საფუძველი ინოვა-ციურობისა თუ ფორმალისტური ძიებებისა. ასევე ხაზგასმით გამოვყოფთ მეტაფორების ფეიერვერკს, მისტიკურ-მისტე-რიულ ფონს, მითოლოგიური აზროვნებისკენ მიზანმიმართულ ლტოლვას, ეროვნული ტრადიციების რომანტიკულ განცდას, ფერწერის ესთეტიკას და ა. შ.

გენო კალანდია არასოდეს ყოფილა „კაბინეტის პოეტი“. თა-ვისი ბოპოქარი ენერგიით მუდამ ხალხში ტრიალებდა. გამოირ-ჩეოდა ქართველი და აფხაზი საზოგადოების თუ ინტელიგენ-ციის აქტიური წევრობით.

მიჭირს გენო კალანდიას გარდაცვალებაზე საუბარი, დღემ-დე ვერ ვეგუები იმ ფაქტს, რომ ეს უბრწყინვალესი პოეტი და შესანიშნავი ადამიანი, მართლაც, ჭაღარა რაინდი ჩვენს შორის აღარ არის. ნათქვამია: უკვდავების პირველი პირობა სიკვ-დილია. კიდევ საკმაო ხანი დაეცადა იმ ავადასახსენებელ სიკვ-დილს, რათა ჩვენს დიდ პოეტს დაცლოდა ისეთი საგაღობღების აღვლენა, როგორიც მან ბოლო წლებში „საგაღობელი უფლი-სათვის“ სახით შექმნა.

ტიტე მოსია

ბიჭი – „ქართულ ემბაზში განათლული ნიჭით“ ...

იოსებ ჭუმბურიძე

არც გერონტი ქიქოძე ვარ და არც გურამ ასათიანი. მაინც უნდა დამიჯეროთ და დაიხსოვოთ:

2017 წლის 25 აპრილი, ხანგრძლივი პაუზის შემდეგ, კიდევ ერთი განსაკუთრებული თარიღია ქართული პოეზიის ისტორიაში:

ქართული პოეტური ცის კაბადონზე გამოჩნდა ახალი ვარსკვლავი, რომელსაც სიკაშკაშე, ყველა პირობითა და ლოგიკით, დღითიდღე უნდა გაუძლიერდეს.

ლიტერატურის ინსტიტუტი.

ალექსანდრე ორბელიანის საზოგადოებისა და ჟურნალ „ჩვენი მწერლობის“ მორიგი სამშაბათობა.

გიორგი ესებუას პირველი პოეტური კრებულის („წინათგ-რძნობა“) განხილვა.

20 წლის ბიჭის სადებიუტო წიგნს სამი წერილი ახლავს: ნატა ვარადას წინასიტყვაობა; მარინე ტურავასა და იოსებ ჭუმბურიძის ბოლოთქმანი.

რედაქტორი - როსტომ ჩხეიძე, ურომლისოდაც მთლიანი შინაგანი კომპოზიციითა და ევროპული იერით გამორჩეული ეს წიგნი ჩვენამდე ამ სახით ვერ მოვიდოდა...

როსტომ ჩხეიძის შესავალი სიტყვა.


სალომე კაპანაძის მოხსენება.

შემდეგ გამოსვლები: ნატო კორსანტია - ვინც გიორგის ლექსები პირველმა გამოაქვეყნა (გაზეთი „ჩემი აფხაზეთი“);

ეთერ ქაჯაია, ნანა ჩიჩუა, მაია მირესაშვილი, ნინო ვახა-ნია, მარინე ტურავა, იოსებ ჭუმბურიძე...

გიორგის თანატოლი სტუდენტები - ორი მარიამი, შენგე-ლია და ლუბელაძე.

და მთავარი „დამნაშავე“ - ნანა კუცია, გიორგის მასწავ-ლებელი და დამკვალიანებელი, ვის დამსახურებასაც, ასო-ციაციურად, სოლომონ დოდაშვილთან მივყავართ, რადგან პოეტურ ნიჭს სამშობლოს განცდა გასაკვირველი, შესაძ-ლოა, თავისთავად არ დაემგზავროს...



ამდენი წერილი, ამდენი მწერლის, პუბლიცისტისა თუ პროფესორის გამოსვლა და მაინც იმის განცდა, რომ კიდევ ბევრი რამ დარჩა აღუნიშნავი.

განა ამდენს რას იტევს ეს პატარა წიგნი, რომელშიც სულ 47 ლექსია?

თუმცა რა გვიკვირს?! - ბარათაშვილს ათით ნაკლები ჰქონდა.

ლადო ასათიანს?

„იქ“ და „აქ“ ... დაკარგული სამშობლოს ძიებაში

ნატო კორსანტია

გიორგი ესებუასა და მისი ლექსების აღმო-ჩენამ პოეზიის ბევრი მოყვარული და, მით უმეტეს, აფხაზეთზე მოფიქრალი ადამიანი განსაკუთრებულად გაახარა. ამისთვის უპირველესად, დიდი მადლობა ნანა კუციას, რომელმაც თავის დროზე ამ სიხარულის თანაზიარი გაგვხადა. და დიდი მადლობა ბატონ როსტომ ჩხეიძეს, რომელმაც ეს ღრმა და ფაქიზი ლექსები ერთ წიგნად შეკრა და მკითხველები კიდევ ერთი ძვირფასი საჩუქ-რით გაგვანებივრა.

მე არ ვაპირებ, გიორგი ესებუას პოეზიის-თვის დამახასიათებელ პოეტურ ხატებებზე, ლექსიკაზე, სიტყვის მარაგზე... ვილაპარა-კო, ამაზე პროფესიონალმა კრიტიკოსებმა შესანიშნავად თქვეს და კვლავაც იტყვიან. თუმცა ძალიან ბევრმა სტრიქონმა, შედა-რებამ, ასოციაციამ აღმაფრთოვანა, რაშიც თუნდაც ერთის მოხმობაც დაგარწმუნებთ:

„მარტს შეუძლია უსახური საღებავების ნითლად დაფერვა და მქრალ ბუშტებზე გა-დავლება ცისარტყელას საღებავების“...

„დაკარგული სამშობლოს ძიების“ მძაფრი განცდა, მსოფლიო ლიტერატურისთვის ძა-ლიან მგრძნობიარე თემა, გიორგი ესებუას პოეზიის მთავარი თემაცაა.

ამ შემთხვევაში უპირველესად, ვგუ-ლისხმობ აფხაზეთს, რომელსაც გიორგი არსად ახსენებს. თუმცა, ისე კონკრეტიკის გარეშეც საცნაურია, რომ ლექსებს მას უძ-ღვნიან.

ლექსში „ხედი სარკმიდან“ „იქ“ (აფხა-ზეთში) და „აქ“ (ენგურს გამოღმა) შორის განსხვავებას ორიოდ შტრიხით, ისე ოსტა-ტურად გახაზავს, რომ ან რა საჭიროა სახე-ლის (აფხაზეთი) ხსენება, ისედაც ყველაფე-რი ცხადია:

დასანერია
„ხედი სარკმიდან“ –
თავისუფალი
(არა ხედი, არამედ)
თემა...
სარკმლებზე ვფიქრობ...
ხედი ორია...

იქ სარკმელში
ზღვა იბრწყინებდა
და მირაჟები... მირაჟები...

აქ
სარკმელში
გარაჟები
მეხეთქებიან...
მტვერი არ ბრწყინავს
და თემას ვერ ვწერ...
ზეცა არ მწირავს
და ვხედავ ხედს -
მტრედებს - მტვერში...
„დაწერილია“...

„მტრედები - მტვერში...“ აქ ერთი მხრივ ხსნა აღმოჩნდა, მეორე მხრივ კი განსაცდე-ლია...

„დაკარგული სამშობლოს ძიების“ თვალ-საზრისით გიორგის ძალიან ფართო თვალ-საწიერს არც იშხანი“ გამორჩა, რითაც შე-რა და გაამთლიანა თავისი და ზოგადად ჩვენი ქვეყნის სათქმელიც:

იშხნის გუმბათი - ჩაქცეული...
ხავსგადავლილი...

მე არ ვიცოდი, რა უნდა მეგრძნო -
ის ჩემი იყო
და აღარც იყო
და მაინც იყო...


გიორგის სურათებზე უმეტესწილად სათ-ვალე უკეთია, მუქი ფერის სათვალე. ამის შემჩნევისას, უნებლიეთ, გავიფიქრე, შე-საძლოა, ამ სათვალთ მზეს კი არ ემალება, არამედ მასთან საიდუმლო მისტიერიას უმა-ლავს გარშემომყოფთ-მეთქი.

აბა, სხვა რა უნდა თქვა, იმდენი მზეა მის ლექსებში:

„ოთახში მზეა გიორგობისთვის“...
„გიორგობისთვის ქუფრმა ღრუბელმა მზე ნაიყვანა“...

„მზის მოგონებებს გამოეროდა“...
„მაღალ ღრუბლებში მზის შრიას თუ მიაყურადებს“...

„მზეც კი იღლება
თავისთვისაც სჭირდება სითბო“...
„კედლის ნაბზარში მზე გაიბრწყინებს“...
და ა. შ. და ა. შ.



შედარებისთვისაც მზეს მოიხმობს ხოლმე:
„აცვენილ პარკეტს ისევ ძველი ანათებს
რამაჟ,

მზესავით ძველი“...
„მზის თავლისფერ სხივებში ყუჩდება
და საბნებს კერავს მზისფერ ატლასის“...
გზადაგზა თითქოს ყურს კი არა, თვალს გჭრის მზე.

მზით გასხივოსნებული წიგნი... გიორგი ესებუას ლექსების კრებულს ასეც შეიძლე-ბა დაარქვა. თითქოს დევნილებს გამოდევ-ნებულმა აფხაზეთის მზემ „აქ“, გამოღმა ეს ახალგაზრდა კაცი მოძებნა და მის პოეზიაში დაივანაო...

„სახლის“ თემას გვერდს ვერც მე ავუქ-ცევ. გიორგის ამ ლექსზე ყურადღება პირვე-ლად იოსებ ჭუმბურიძემ გაამახვილა, თუმ-ცა, მანამდე ჩვენს გაზეთში გამოქვეყნებულ გიორგის ლექსებს ეს ლექსი შეგნებულად

ორი დიდი პოეტი ვახსენე.

ღრმად მჯერა: გიორგი ესებუას მიემატება ის, რაც მათ დააკლდათ, ხოლო ჩვენ მოგვემატება ის, რაც მათ დაგვაკ-ლეს...

ხოლო თუ რატომ არის გიორგი ესებუა პოტენციურად დიდი პოეტი, ამის საბუთად რამდენიმე ლექსის ფრაგმენტს წარმოგიდგენთ.

აი, რას წერს აფხაზ თანატოლს:

„...სად იყუფები ჩემს დიდ თეთრ სახლში,

რომელიც დაწვეს?!

(მეც მასთან ერთად-

დაბადებამდე)...

ნაბიჯების ჩქამი მახსოვს საფეხურებზე -
მონაყოლიდან...

აი, რას ეუბნება მარიამ მაგდალელს:

„როცა იფიქრე, ყველაფერი უკვე დამთავრდა,

მოვიდა ღმერთი...

დად წაგიყვანა...

(მომიყვები, როგორი ძმაა)“...

აი, როგორ ატევს ხუთიოდე სტრიქონში „ჯაყოს ხიზნე-ბის“ უმწარეს სათქმელს:

„ნარცისს ადვილად ელევა კნენინა...

ნადირს ელის -

ღრჯუ, ბალნიან, მაძლარ ჯაყოს -

გაქონილი თითებიდან რომ ყველაფერი უსხლტება -

მარგოსა და ქართლის გარდა...

2017 წლის 25 აპრილი, ხანგრძლივი პაუზის შემდეგ, კიდევ ერთი განსაკუთრებული თარიღია ქართული პოეზიის ისტორიაში... გამოჩნდა ბიჭი - „ქართულ ემბაზში განათლუ-ლი ნიჭით“ ...

ეუწინამძღვრე. შეიძლება, სუბიექტურიც ვიყავი, ჩემი წიგნის - „ჩემი სახლისა“ და ზო-გადად, სახლისადმი მოურჩენელი ნოსტალ-გიის გამო.

...სად იყუფები ჩემს დიდ, თეთრ სახლში,
რომელიც დაწვეს?!

(მეც, მასთან ერთად

დაბადებამდე)...

ნაბიჯების ჩქამი მახსოვს საფეხურებზე...

მონაყოლიდან...

სიზმრის სარკმიდან შემოჭრილი ცხელი
სხივები...

რბილი ლოგინი, ალბათ, გწყენის საჩემო
სიზმრებს...

სახლი გიორგისთან კიდევ რამდენიმეგან, სხვა კონტექსტში, მაგრამ ნაცნობი სევდითა და სითბოთი გაიხმინებს.

„ჩამოიქცევა ოდესმე სახლი მიტოვებული“...

„დრო დგება, როცა სახლმა

(არა უცხო, შენმა საკუთარმა)

უნდა გიცნოს და მიგიღოს“...

გიორგი ესებუასთან სახლი მარადიულ სახლთანაც იგივედება, რომლის ძიებაც სამ-ყაროსავით ძველია და მარად ახალი.

ამას წინათ მსატყვარმა ამირან კუპრავამ ინტერვიუში მითხრა:

„ერთი სურათი დავხატე (სამწუხაროდ, გავყიდე) - ანგელოზს ავკიდე სამანის ქვა, რადგან ქვეყანა აღარ დაგვრჩა და სად დაე-დოთ, არ ვიცით. ჰოდა, იმ ანგელოზით ზურგით დავატარებთ სამანის ქვას, რომე-ლიც თითქოს ჩვენი სახლიცაა. ეს არის თი-თოეული ჩვენგანის ტვირთი“.

რატომღაც მაშინვე გიორგი გამახსენდა და გავიფიქრე, რომ ის ერთ-ერთი იმათ-განია, ვინც ზურგით დაატარებს „სამანის ქვას“. მაგრამ გიორგი, ბევრისგან განსხვა-ვებით, უცილობლად მიიტანს მას „იქამდე“... რადგან სწორედ ასეთ გულიან და საიმედო კაცებს ხელენიფებათ ეს და ასეთი გული-ანი და საიმედო კაცებისთვის უცილობლად დგება დრო,

... როცა სახლმა

(არა უცხო, შენმა საკუთარმა)

უნდა გიცნოს და მიგიღოს“...

ის, რაც ხელოვნებას ხელენიფება...

მელა ზუხბაია

„საქართველო უაფხაზეთოდ არაფერია და აფხაზეთი - უსაქართველოდ“, - წერდა აფხაზი მწერალი გიორგი შარვაშიძე. სწორედ ამ მრწამსს ერთგულებს აფხაზი ქალბატონი სვეტლანა ქეცბაძე. მას სჯერა, რომ ადამიანი ბედნიერი მხოლოდ მშობლიურ კუთხეში და სანახებშია, სადაც მისი ბავშვობისა და ახალგაზრდობის ულამაზესმა წლებმა გაირბინა. ასეთი ადგილი მისთვის აფხაზეთია, სადაც ქართველი და აფხაზი ერთად ქმნიდა საერთო ისტორიასა და ფასეულობებს.




ახლახან სვეტლანა ქეცბაძე გამოსცა თავისი წერილების კრებული „გულის სახსოვარი“, რომელშიც დიდი ხნის დაგუბებულ სატკივარ-საფიქრალს მოუყარა თავი. მისი მთავარი სატკივარი აქაც ქართველებისა და აფხაზების დანგრეული ურთიერთობაა. წიგნში თანდათან ცოცხლდება დაუფინყარი სახეები იმ ადამიანებისა, რომლებიც აფხაზეთში თუ აფხაზეთთან ურთიერთობით უდიდეს კულტურულ-შემოქმედებით

ისტორიას ქმნიდნენ. ოდისეი დიმიტრიადი, ანდრია ბალანჩივაძე, ოთარ თავთაქიშვილი, გივი ორჯონიკიძე... ჩამოთვლა შორს წაგვიყვანს... ცოცხლდება საქართველოსა და მის ფარგლებს გარეთ მოღვაწე გამოჩენილი ხელოვანების სახეები. კითხულობ და გრძნობ, რაოდენ ძვირფასი ურთიერთობები და ტრადიციები დაანგრია ომმა. წიგნის ავტორის გულს კი დაუფინყარ სახსოვრად შემორჩენია უამრავი ეპიზოდი ქართველი, აფხაზი, აზერბაიჯანელი, რუსი თუ სხვა ეროვნების ადამიანთა ოდინდელი ერთიანობისა. მისი თქმით, ვერაფერს ძალუძს ჩააქროს გულის სახსოვარი, გაანადგუროს მადლიერება იმ საუკეთესო წლებისა, რომელიც ცხოვრებას გვილამაზებს და გვიმიდრებს. კრებულში მნიშვნელოვანი ადგილი უჭირავს სვეტლანა ქეცბაძის განსაკუთრებულ დამოკიდებულებას უმაღლეს სასულიერო პირებთან. „დილით სასწაულის მოლოდინში გავიღვიძე... დარეკა მობილურმა, - ის-სენებს ავტორი, - თქვენ დაგელაპარაკებათ უწმიდესი“... პატრიარქი გურიიდან რეკავდა. „უწმიდესს მთელი ღამე უფიქრია იმაზე, როგორ გაელამაზებინა ადამიანის ცხოვრება, - წერს თავის მოგონებებში ქალბატონი სვეტლანა - შესწევს თუ არა ძალა სილამაზის შეცვალოს სამყარო, შეეხოს ადამიანის სულის უხილავ სიმებს. უფიქრია შექმნილიყო წიგნი, რომელშიც მისი თანამემამულეები გაგვაცნობდნენ მშვენიერების საკუთარ ხედვას და ამით სტიმულს მისცემდნენ მათ ზიარებოდნენ ღვთაებრივ მაღლს“. ასე შეიქმნა სვეტლანა ქეცბაძის კიდევ ერთი კრებული „უფალი სუფევს, მშვენიერება შეიმოსა“. რაოდენ აუცილებელი იყო ეს წიგნი თაობებისთვის, რომელთაც თვალით არ უნახავთ აფხაზეთი და არ იცნობენ იმ ადამი-

ანებს, რომლებიც ქმნიდნენ აფხაზეთის ისტორიას. წიგნის ყოველი ბნკარის ქვეშ ასევე იკითხება დარდი და ფიქრი მშობლიურ სახლზე... „ვინ იცის, გახმა, თუ ისევ ყვავილობს ჩემი სახლის ღობეზე სუროსავით მოხვეული ვარდები?..“ - იტყვის კიდევ ერთგან. კრებული „უფალი სუფევს, მშვენიერება შეიმოსა“ სვეტლანა ქეცბაძის სულის სარკეა, მისი ტკივილი და მონატრება... მონატრება ღამაში და შინაარსიანი შემოქმედებითი წარსულისა, რომელმაც ქართველისა და აფხაზის მომავალ ურთიერთობებზეც უცილობლად უნდა იქონიოს გავლენა... ქალბატონმა სვეტლანამ წიგნის ძირითადი სათქმელი აკადემიკოს დიმიტრი ლიხაჩოვის სიტყვებით გამოხატა: „ხალხების ერთიანობა კულტურის სახელით შეიძლება გახდეს მათი შერიგების, თანხმობისა და აყვავების საწინდარი, ვინაიდან სწორედ კულტურა შეიცავს კაცობრიობის სულიერი გამოცდილების ჭეშმარიტ საგანძურს“. თვითონაც ქართველთა და აფხაზთა ერთიანობის მისაღწევად სწორედ ეს გზა, ხელოვნების გზა აირჩია. „მშვიდობის მიღწევა სწორედ ხელოვნებას ხელენიფება და მჯერა, სწორედ ის გაიკვლევს „გზას აფხაზთა გულებისაკენ“, - ამბობს ის. ქალბატონი სვეტლანა, გვინდა გვჯეროდეს, რომ თქვენი და თქვენნაირი პიროვნებების ძალისხმევით, ამოივსება აფხაზებსა და ქართველებს შორის გაჩენილი უფსკრული, ისევ დაიბადება გიორგი შარვაშიძე, რომელიც გაიმეორებს სიტყვებს - „საქართველო უაფხაზეთოდ არაფერია და აფხაზეთი უსაქართველოდ“... ჩვენ კვლავ ერთად ვიქნებით და ერთად წავილულუნებთ მამაპაპურ „ვარადას“.

„არ ჩანს ის ჟამი, რომელსაც ვებრფით!“

ისინი, აფხაზეთიდან გამოსულნი, ცხოვრებისა თუ შემოქმედების ჭაპანს ერთად ეწევიან. პოეტურ თუ პროზაულ (პუბლიცისტურ) კრებულებს სცემენ და შემოქმედებით წარმატებებსაც ერთად იზიარებენ. მათ ბევრგან ნახავთ ერთად, აფხაზეთზე სევდიანად და ამავე დროს იქ დაბრუნებაზე იმედიანად მოსაუბრეთ. ამ იმედითაც გამოექცნენ შვილებს უცხოეთიდან საქართველოში და აფხაზეთთან უფრო ახლოს, თბილისში დაიდეს ბინა. დონა კოლხმა (დოდო წარმანია) და დავით გაბუნია ახლახან თარგმანების ერთობლივი კრებულიც გამოსცეს, რომლის წინასიტყვაობაშიც თავად ამბობენ: „მთარგმნელობითი საქმიანობით დიდი ხანია დავინტერესდით. განსაკუთრებით გავგიტაცა და მიგვიზიდა მსოფლიო კლასიკურმა პოეზიამ. წლების განმავლობაში რუდუნებით ვიმუშავებთ ბრწყინვალე შემოქმედთა - გოეთეს, ბაირონის, შელის, ქიტისის, უიტმენის, ლორკას და ესენინის პოეტურ შედევრებზე. სამწუხაროდ, რაც აფხაზეთში ცხოვრებისას ვიღვანეთ, ამ რეგიონში 1992-1993 წლების მუხანათური ომის დროს, სხვა ლიტერატურულ ხელნაწერებთან ერთად განადგურდა. დევნილობის პერიოდში, თავიდან საქართველოს ქალაქებში, და, შემდეგ, მოსკოვში დროებით დამკვიდრებისას, სხვა სახის ლიტერატურულ საქმიანობასთან ერთად, ამ მიმართულებითაც განვაგრძეთ მუშაობა; ვიბეჭდებოდით ადგილობრივ ქართულ გამოცემაში. სამშობლოში დაბრუნების მერე კი თბილისში გამომავალ სხვადასხვა ჟურნალ-გაზეთში. წლები მიიწურა, კვლავ დევნილის სტატუსით დაგუბრუნდით სამშობლოს. მთარგმნელობითი მუშაობა არ შეგვიწყვეტია, რაც შევძელით, წიგნად გამოვეცით და დიდი მოკრძალებით წარმოგიდგენთ“. გთავაზობთ დონა კოლხისა და დავით გაბუნიას რამდენიმე თარგმანს:



გოეთე	ბაირონი	შელი	ლორკა
მარტი	***	სიმღერა	MEMENTO
ჯერ კიდევ უხვად ჩამოდის თოვლი, არ ჩანს ის ჟამი, რომელსაც ვებრფით! რომ ყვავილების ფერადმა თრთოლვამ, რომ ყვავილების ფერადმა თრთოლვამ ბედნიერება გვაჩუქოს მეტი!.. იმ ელვარებას, ივნისს რომ ახლავს, სიამოვნება მოაქვს უღვევი! ერთი, ან ორი მერცხალის ნახვა, ერთი, ან ორი მერცხალის ნახვა არ ნიშნავს მოსვლას კვლავ გაზაფხულის. გაცქერ სიამით დღეს ნეტარების, როცა გვეწვევა თამაშით ფერთა... კვლავ წამიერად მოვა ზაფხული, კვლავ წამიერად მოვა ზაფხული, და ჩვენ ვიქნებით, ძვირფასო, ერთად!..	გათავდა, მორჩა, ჩემი რწმენის დაიმსხვრა კოშკი!.. არ მაქვს სურვილი და არც მინდა ჟამთან მინდობა! ამდენი ღელვით და წამებით, ო, ამ გულს მოშლილს, რა ვერაგულად დაეუფლა უამინდობა!.. ანუ შორს ჩემგან უთავბოლო სურვილთა წყება,	ნაძვისა და არყის ხეთა ტევრში ზის ჩიტუნა, სევდას შეუპყრია; ირგვლივ, სითაც აღარ გაიხედავ, ნააწყდები ფანტელეების რიალს... და რტოებზე ფოთლებიც არ ჩანან, კვლავ უბერავს შიშველ რტოებს ქარი, მხოლოდ ზამთრის მდუმარება დარჩა და ფერები, უკვე მომაკვდავი. კვნესის ჩიტი! ხეებს აღარ უკვირთ, დღე ცივია და საოცრად მკრთალი! ყრუდ გაისის შორით რაკარუკი და წისქვილის ისევ ბრუნავს თვალი...	როცა მოგვედები, მიმაბარეთ მდინარის ქვიშას, თან ჩამატანეთ გიტარა ჩემი! როცა მოგვედები, მიმაბარეთ მე იმ ძველ ჭალას, სად ფორთოხლების ყვავილობის იგრძნობა ძალა!.. როცა მოგვედები,სახურავზე დავრჩები მარად, ქარში - ფლუგერი... ჩუმად, მოგვედები როცა!..

სოხუმის საკათედრო ტაძარი

დასაწყისი გვ.1

სოხუმში რუსების დამკვიდრების შემდეგ, ციხესიმაგრეში მოეწყო ეკლესია რუსი სამხედროებისათვის. 1817 წლიდან სოხუმის ეკლესიაში მოღვაწეობდა მღვდელი სოლომონ ნადიროვი (ნადარეიშვილი), რომელიც ქრისტიანობას ქადაგებდა აფხაზებში და მრავალიც მონათლა. მის თბილ დამოკიდებულებას აფხაზებისადმი, დიდ გულმოდგინებას მათი გაქრისტიანების საქმეში, აფხაზეთის ახალგაზრდა მთავარი მიხეილ შარვაშიძე (1823-1864) 1823 წელს მალალ შეფასებას აძლევდა. იმავე ხანებში სამეგრელოს სამთავრო სახლის კარის ეკლესიის დეკანოზმა იოანე იოსელიანმა საერთო სახსრებით აღადგინა სამთავრო სახლის კარის ეკლესია ლიხნში - ღვთისმშობლის მიძინების ტაძარი, ღვთისმსახურება გამართა და მღვდლები გაამწესა, მაასთანავე მრავალი აფხაზიც მონათლა, მათ შორის, აფხაზეთის მთავრის გიორგი შარვაშიძის (1810-1821) ოჯახიც. 1821 წელს სოხუმის მახლობლად, ბერძენი ეროვნების გიორგი სკარდანას მეცადინეობით წმ. გიორგის ეკლესია აიგო, რომელიც ცნობილია როგორც სოხუმის სასაფლაოს ეკლესია.

XIX საუკუნის 30-იან წლებში აფხაზეთში რუსეთის ხელისუფლების შედარებით განმტკიცების შემდეგ აქ ქართველ სასულიერო პირთა მისიონერული მოღვაწეობა გაიშალა. რუსეთის ხელისუფლება მიიჩნევდა, რომ სასურველი იყო აფხაზეთში მისიონერული საქმიანობისათვის თავდაპირველად ქართველი სასულიერო პირები გამოეყენებინათ. საქართველოს ეგზარქოსმა მოსემ (1832-1834) ცაგერის მონასტრის წინამძღვარი, ილუმენი ანტონი (დადიანი), 1833 წლის 12 თებერვალს არქიმანდრიტად აკურთხა და აფხაზეთში მისიონერული საქმიანობის ხელმძღვანელობა მას დაავალა. მომდევნო წლის დასაწყისში არქიმანდრიტი ანტონი აფხაზეთში ჩავიდა და მისიონერულ მოღვაწეობას შეუდგა. აფხაზეთში აქტიურ მისიონერულ საქმიანობას ეწეოდნენ სამეგრელოს ეპარქიის სამღვდელოების წარმომადგენლები.

არქიმანდრიტ ანტონის (დადიანი) მისიონერობის დადებითი შედეგები მალე აშკარა გახდა. არსებობს 1834-1836 წლებში მონათლულთა სიები, რომლებიც ქართულ ენაზეა შედგენილი და დამონმებულია მთავრის, მიხეილ შარვაშიძის, ან მისი ღედის თამარ დადიანის მიერ.

როდესაც ქართველი სამღვდელოების წარმატებები სამისიონერო საქმიანობაში აშკარა გახდა, რუსეთის ხელისუფლების წარმომადგენლები არქიმანდრიტ ანტონის ამ საქმიდან ჩამოშორებას შეეცადნენ, რათა აფხაზეთის გარუსების საქმეში ხელი არ შეშლოდათ. კავკასიის კორპუსის შტაბის უფროსი, გენერალ-მაიორი პ. კოცეზუ 1840 წლის მარტში საქართველოს ეგზარქოსს წერდა, რომ აფხაზეთში, „ამ ნახევრად ველურ მთიელთა შორის ჭეშმარიტი სარწმუნოების გასავრცელებლად“ აუცილებელი იყო რუსი სასულიერო პირების დანიშვნა. სულ მალე, 1843 წლის 14 თებერვალს, არქიმანდრიტი ანტონი (დადიანი) სამეგრელოს ეპისკოპოსად ეკურთხა. ქართველი არქიმანდრიტის რუსი მღვდლით შეცვლის საკითხის გადაწყვეტა დიდად იყო დამოკიდებული აფხაზეთის მთავრის მიხეილ შარვაშიძის პოზიციაზე, შეინარჩუნებდა თუ არა ის სარწმუნოებრივ, კულტურულ და პოლიტიკურ კავშირს ქართულ სამყაროსთან. მაშინ მიხეილ შარვაშიძემ მტკიცედ განაცხადა, რომ სურდა აფხაზეთში, არქიმანდრიტ ანტონის ნასვლის შემდეგ, მის ადგილზე ილუმენი თეოფანე (გაბუნია) ყოფილიყო, რომელიც არქიმანდრიტ ანტონთან ერთად ეწეოდა მისიონერულ საქმიანობას და კარგად იცნობდა ამ მხარეს. იმავედროულად, მთავარს სურდა მისი სამფლობელოს ეკლესია უშუალოდ დაქვემდებარებოდა სამეგრელოს ეპისკოპოს ანტონს.

რუსეთის ხელისუფლება აფხაზეთის მთავრის განაწყენებას მოერიდა და მისი სურვილი გაითვალისწინა. ილუმენი თეოფანე (გაბუნია) აფხაზეთში მისიონერულ საქმიანობას ჩაუდგა სათავეში, 1845 წელს კი იგი ილუმენმა გერმანემ (გოგელაშვილი) შეცვალა.

40-იანი წლების ბოლოს რუსეთის ხელისუფლება იმ დასკვნამდე მივიდა, რომ აფხაზეთში ცალკე ეპარქიის შექმნა აუცილებელი იყო. მიხეილ შარვაშიძესაც ძალიან სურდა აფხაზეთში სამღვდელმთავრო კათედრის შექმნა. მან შესაბამისი წინადადებით საქართველოს ეგზარქოსს 1849 წელს მიმართა. მართლმადიდებელი ქრისტიანობის აღორძინების მიზნით, იმპერატორის 1851 წლის 30 აპრილის ბრძანებულებით და სინოდის გადაწყვეტილებით, აფხაზეთის ეპარქია შეიქმნა. 8 სექტემბერს, სინონის ტაძარში, აფხაზეთის ეპისკოპოსად ხელდასმულ იქნა მიხეილ შარვაშიძის სულიერი მოძღვარი, არქიმანდრიტი გერმანე (გოგელაშვილი). 1857 წლის

ოქტომბერში იგი ეპისკოპოსმა გერონტიმ (პაპიტაშვილი) შეცვალა.

1860 წლის 9 ივნისს „კავკასიაში მართლმადიდებელი ქრისტიანობის აღმდგენელი საზოგადოება“ შეიქმნა. საზოგადოების საქმიანობაში დიდი ადგილი ეკავა მისიონერულ მუშაობას. საზოგადოების დროშით, მისიონერებისა და მართლმადიდებელი სამღვდელოების მონაწილეობით, კავკასიაში მთიელთა აშკარა რუსიფიკაცია წარიმართა. საზოგადოებამ მუშაობა აფხაზეთშიც გაშალა, სადაც სწრაფი ტემპით წარიმართა ეკლესიების აღდგენა-მშენებლობა. 1861 წელს საზოგადოებამ ათარაში პირველი ეკლესია ააგო. ამავე ხანებში, 1862-1864 წლებში, მიხეილ შარვაშიძემ მოქვის ტაძარი აღადგინა.

1862 წლის 4 მარტს აფხაზეთის ეპისკოპოსად არქიმანდრიტი ალექსანდრე (ოქროპირიძე) ეკურთხა. ეპისკოპოსმა ალექსანდრემ (1862-



1869) აფხაზეთში მართლმადიდებლობის პოზიციების შენარჩუნება და განმტკიცება შეძლო. მისი მეცადინეობითა და ბიჭვინთის ოლქის უფროსის დიმიტრი ჭავჭავაძის ძალისხმევით 1867 წელს 3 ათასამდე აფხაზი მოინათლა. ალექსანდრე ეპისკოპოსი აფხაზ ყმანვილებს საკუთარი სახსრებით ზრდიდა და სასულიერო განათლებას აძლევდა.

1864 წლის ივლისში აფხაზეთის სამთავრო გაუქმდა და ამ მხარეში უშუალო რუსული მმართველობა დამყარდა. 1866 წელს საკუთრივ აფხაზეთის (სოხუმის ოკრუგი), ნებელდის (მდ. კოდორის შუა და ზემო ნელი, ისტორიული ნებელი და დალი) და სამურზაყანოს (ოქუმის ოკრუგი) შეერთებით სოხუმის სამხედრო განყოფილება შეიქმნა. აფხაზთა 1866 წლის აჯანყებისა და 1867 წლის მუჰაჯირობის შემდეგ სოხუმის სამხედრო განყოფილების უფროსმა გენერალ-მაიორმა ვ. გეიმანმა (1867-1872) მიიჩნია, რომ აფხაზეთის მოსახლეობის გარუსებისათვის ხელსაყრელი დრო დადგა. მას აფხაზეთში სამისიონერო საქმისაგან ქართული სამღვდელოების ჩამოშორება და მათი რუსი სამღვდელოებით შეცვლა სურდა. 1867 წელს ვ. გეიმანმა მეფისნაცვალს ვრცელი მოხსენება წარუდგინა „აფხაზეთში ქრისტიანობის შესახებ“, სადაც აღნიშნავდა, რომ აფხაზეთის ეკლესიებში ღვთისმსახურება „გაუგებარ ქართულ ენაზე სრულდებოდა“. მოსახლეობის მცირერიცხოვნობის მოტივით იგი აფხაზეთის ეპარქიის გაუქმებისა და იმერეთის ეპისკოპოსადმი დაქვემდებარების საკითხს აყენებდა. 1869 წლის მაისში აფხაზეთის ეპარქია იმერეთის ეპარქიას შეუერთდა.

როდესაც აფხაზეთის ეპარქიის როგორგანიზაციის საკითხი დადგა, აფხაზეთში 31 ეკლესია და 33 მღვდელმსახური იყო. მათ შორის, სამურზაყანოში - 15 ეკლესია და 15 მღვდელი, აბჟუის ოლქში - 10 ეკლესია და 10 მღვდელი, აფხაზეთის ოლქში - ერთი ეკლესია დრანდაში ერთი მღვდლით, ზოფის ოლქში 4 ეკლესია და 7 მღვდელი, სოხუმში - ერთი ეკლესია ერთი მღვდლით.

მიუხედავად იმისა, რომ ათწლეულების განმავლობაში აფხაზეთში ქრისტიანობის გავრცელების თვალსაზრისით ბევრი რამ გაკეთდა, სოხუმში რიგიანი ტაძარი არ არსებობდა. აქ იყო არაკანონიკური სტილის ეკლესია. ეპისკოპოსი გაბრიელი (ქიქოძე), რომელიც 1868 წლის ივნისიდან აფხაზეთის ეპარქიის დროებით

საეპისკოპოსოს სახით ცალკე გამოიყო. სინოდის განკარგულებით, აფხაზეთის ტაძრებში ღვთისმსახურება საეკლესიო-სლავურ ენაზე უნდა აღესრულებინათ. 1886 წლის დეკემბერში მოსკოვის ტროიცე-სერგიევოს ტაძარში არქიმანდრიტი გენადი (პავლინსკი) სოხუმის ეპისკოპოსად აკურთხეს. ამ დროიდან სოხუმის ეპისკოპოსებად ძირითადად რუსები ინიშნებოდნენ, ერთადერთი გამონაკლისი იყო ეპისკოპოსი კირიონი (საძაგლიშვილი). 1886 წლის შემოდგომაზე აფხაზეთში გაბრიელ ეპისკოპოსი ჩავიდა. 27 სექტემბერს მან აკურთხა განახლებული დრანდის ტაძარი, ხოლო მეორე დღეს, 28 სექტემბერს, სოხუმის ახალ ტაძარში წირვა ჩაატარა.

სოხუმის ტაძარი, რომელიც უკვე საკათედრო გახდა, ქალაქის ცენტრში, კოლიუბაკინის ქუჩაზე მდებარეობდა. მოგვიანებით, აქვე აიგო

მმართველი იყო, თავის წერილში ეპარქიის საჭიროების შესახებ, სოხუმში შესაფერისი ტაძრის აგების აუცილებლობის თაობაზე წერდა.

1868 წლის მარტში კავკასიის მთიელთა სამმართველოდან „კავკასიაში მართლმადიდებელი ქრისტიანობის აღმდგენელი საზოგადოების“ საბჭოში გაიგზავნა ოფიციალური წერილი, სადაც ნათქვამია, რომ სოხუმი უკვე აფხაზეთის ცენტრია და ქალაქში საკათედრო ტაძრის აგების აუცილებლობა სასიცოცხლო მნიშვნელობა შეიძინა. კავკასიის მთიელთა სამმართველო ეგზარქოსის წინაშე სოხუმში შესაფერისი ტაძრის აგების აუცილებლობის საკითხს სვამდა და საჭირო თანხის გამოყოფას სთხოვდა.

XIX საუკუნის 70-იანი წლებიდან რუსეთის ხელისუფლებამ აფხაზეთის რუსიფიკაციის მიზნით ეკლესიის გამოყენება აქტიურად დაიწყო. 1872 წელს დაფუძნდა ბიჭვინთის რუსული მონასტერი, ხოლო 1875 წელს ფსირცხში ათონის მთის წმ. პანტელეიმონის რუსული მონასტრის ფილიალი დაფუძნდა. ახალი ათონისა და ბიჭვინთის რუსული მონასტრები ამ მხარის მოსახლეობის გარუსების მნიშვნელოვან კერებს წარმოადგენდნენ. 1883-1885 წლებში რუსმა ბერებმა დრანდის ტაძარი აღადგინეს და რუსული მამათა მონასტერი დააარსეს. იმავედროულად, XIX საუკუნის მიწურულსა და XX საუკუნის დასაწყისში ბიჭვინთის, ახალი ათონის სიმონ კანანელის, კომანის, დრანდის, მოქვის, გაგრის და სხვა ეკლესიების აღდგენითი სამუშაოები წარიმართა, რის შედეგადაც მათი თავდაპირველი ზურთმომდგრული სახე შეიცვალა, რაც ქართული არქიტექტურული სტილის შეცვლაში გამოიხატა.

1881 წელს სოხუმში ტაძრის მშენებლობა დაიწყო. ტაძრის გეგმა შეადგინა ინჟინერ-არქიტექტორმა ჩიფიკოვმა. მშენებლობას ხელმძღვანელობდა ტაძრის მშენებლობის კომიტეტი, რომლის თავმჯდომარე იყო სოხუმის სამხედრო განყოფილების უფროსი, პოლკოვნიკი პომპეი არაკინი. 1884 წელს ტაძრის მშენებლობა დასრულდა და წმ. ალექსანდრე ნეველის სახელზე ეკურთხა.

რუსეთის კოლონიური და რუსიფიკატორული პოლიტიკა აფხაზების ქართული სამყაროსაგან და აფხაზეთის საქართველოსაგან ჩამოშორებას ისახავდა მიზნად. ამიტომაც, იმპერატორის 1885 წლის 12 ივნისის ბრძანებულებით და სინოდის გადაწყვეტილებით, აფხაზეთი იმერეთის ეპარქიისაგან სოხუმის

საეპარქიო სახლი, მღვდელმთავრის ორსართულიანი სასახლე (შემდეგში აფხაზეთის სახელმწიფო მუზეუმი), მის მიმდებარედ იყო ბოტანიკური ბაღი.

1887 წელს სოხუმში ახლადდანიშნული ეპისკოპოსი გენადი (1886-1889) ჩამოვიდა. ეპისკოპოსმა თავის რეზიდენციად ახალი ათონის მონასტერი აირჩია, რადგან საეპარქიო სახლის მშენებლობა ჯერ დასრულებული არ იყო. როდესაც იგი გარდაიცვალა, 1889 წლის 31 მარტს, ახალი ათონის წმ. სიმონ კანანელის ტაძარში დაკრძალეს. შემდეგი ეპისკოპოსები უკვე ძირითადად სოხუმში ისხდნენ.

განსაკუთრებული ღვთისმოსაობით აფხაზეთში ბერძნული თემი გამოირჩეოდა. 1909 წელს ბერძნული თემის სახსრებით სოხუმში ახალი ტაძრის მშენებლობა დაიწყო. 1915 წელს მშენებლობა დასრულდა და ტაძარი წმ. ნიკოლოზის სახელზე აკურთხეს.

საქართველოს დემოკრატიული რესპუბლიკის მთავრობის იურისდიქციის აფხაზეთში გავრცელებასთან ერთად, აფხაზეთში საქართველოს ეკლესიის უფლებებიც აღდგა, მიუხედავად რუსეთის ეკლესიის წარმომადგენელთა მხრიდან დიდი წინააღმდეგობისა. სოხუმის საკათედრო ტაძარი და მღვდელმთავრის სახლი ავტონომიური აფხაზეთის საკუთრებად გამოცხადდა. 1919 წლის სექტემბერში, აფხაზეთის კათედრაზე ეპისკოპოსის არჩევამდე აფხაზეთის მართლმადიდებელ ეკლესიათა მმართველად არქიმანდრიტი იოანე (მარგიშვილი) დაინიშნა. არქიმანდრიტმა იოანემ მოკლე ხანში მოახერხა სოხუმის საკათედრო ტაძარი საქართველოს ეკლესიისათვის დაებრუნებინა, მიუხედავად რუსების მცდელობისა, შეენარჩუნებინათ იგი.

1919 წლის ოქტომბერში აფხაზეთის ეპისკოპოსად ჭყონდიდელი მიტროპოლიტი ამბროსი (ხელაია) იქნა ხელდასმული, მაგრამ იგი ძირითადად მარტვილში იმყოფებოდა. 1921 წლის სექტემბერში იგი საქართველოს კათალიკოს-პატრიარქად იქნა არჩეული. იმავე წლის ოქტომბერში ცხუმ-აფხაზეთის ეპარქიას ეპისკოპოსი იოანე (მარგიშვილი) ჩაუდგა სათავეში. იგი ცდილობდა აფხაზეთში მცხოვრებ რუს-ბერძენ-აფხაზთა საქართველოს ეკლესიის წიაღში შემოყვანას, სოხუმის საკათედრო ტაძარში ღვთისმსახურება ოთხ ენაზე - ქართულად, საეკლესიო-სლავურზე, აფხაზურად და ბერძნულად ალევინა. იმავედროულად, რუსი სამღვდელოება ცდილობდა ხელში ჩაეგდო ტაძრები და არ შესულიყვნენ საქართველოს ეკლესიის შემადგენლობაში. მიუხედავად დიდი წინააღმდეგობებისა, ეპისკოპოსმა იოანემ შეძლო შეენარჩუნებინა საქართველოს ეკლესიის გავლენა ეპარქიაში.

XX საუკუნის 20-30-იანი წლების ანტირელიგიური კამპანიის დროს საეპარქიო სახლში 1922-1930 წლებში აფხაზეთის სამეცნიერო საზოგადოება, ხოლო 1930-1940 წლებში აფხაზეთის მხარეთმცოდნეობის ინსტიტუტი იყო განთავსებული. რამდენიმე ოთახი ეკავა აფხაზეთის მხარეთმცოდნეობის მუზეუმს, რომელსაც 40-იანი წლებიდან მთლიანად დაეთმო შენობა. შენობის თავდაპირველი სახეც გარკვეულწილად შენარჩუნდა. სოხუმის საკათედრო ტაძარი გადააკეთეს და აქ აფხაზეთის სახელმწიფო ფილარმონია განთავსდა.

20-40-იან წლებში აფხაზეთში მხოლოდ 6 ტაძარი იყო მოქმედი, მათ შორის, წმ. ნიკოლოზის სახელობის ბერძნული ეკლესია. ეპისკოპოს ანტონის (გიგინეიშვილი) დროს, 50-იანი წლების შუა ხანებში, სოხუმის ბერძნული ტაძარი საკათედრო გახდა და ყოვლადწმინდა ღვთისმშობლის ხარების სახელზე აკურთხეს. ცხუმ-აფხაზეთის მიტროპოლიტის დავითის (ჭკადუას) ინიციატივით, 70-იანი წლების მიწურულსა და 80-იანი წლების დასაწყისში ტაძარში სარესტვარაციო-სარეკონსტრუქციო სამუშაოები ჩატარდა. სწორედ მაშინ, 1980 წელს, ტაძარს რამდენიმე გვერდითი მიწაშენი გაუკეთდა. ერთ-ერთი მიწაშენი, ეკვდერი, წმ. სვიმონ კანანელის, წმ. ანდრია პირველწოდებულის, წმ. ნიკოლოზის, წმ. იოანე ოქროპირის, წმ. პასილისკოს ხატები, წმ. პანტელეიმონ მკურნალის ხატი მისი წმინდა ნაწილებით. 2010 წელს ჩატარდა ტაძრის სრული რესტავრაცია. ტაძარს ახალი მოოქროვილი გუმბათი დაადგეს, რომელიც რუსეთის ფედერაციაში, ქ. ჩელიაბინსკში დაშლადდა. ტაძარში ღვთისმსახურება საეკლესიო სლავურზე, ბერძნულზე, აფხაზურ ენებზე, ხოლო აღდგომას ქართულ ენაზეც სრულდება.

ნაკვალევი, რომელსაც ომის კი ვერ შლის

მაია შონია

საბედნიეროდ, გამორჩეული ნიჭით დაჯილდოებულ ადამიანთა ნაკვალევის წაშლა დროსაც არ ძალუძს. მათ მიერ დატოვებულ მემკვიდრეობას არა მხოლოდ წერილები, უბის წიგნაკები, ძველი, თუნდაც ოქროს ფონდში დაცული ფირები და ფირფიტები ინახვენ, არამედ ეს საგანძური ყველაზე კარგად ადამიანების - შთამომავლების, მეგობრების, ოჯახის წევრების გონებაშია დაცული და ამიტომ მას ვერაფერს აკლებს ვერც დრო და ვერც ომით გამოწვეული მძიმე შედეგები. კოტე ჩიკვატია სწორედ იმ ხელოვანთა რიცხვს განეკუთვნება, რომლის ნაკვალევის წაშლა ომმაც კი ვერ შეძლო.

კოტე ჩიკვატია 1907 წელს ზუგდიდის რაიონის სოფელ ორსანტიაში დაიბადა. პირველადი განათლება მღვდელ კალისტრატე ცხაკაიასთან მიიღო. შემდეგ სწავლობდა გალის საეკლესიო-სამრევლო სამასწავლებლო სასწავლებელში. 1929 წელს დაამთავრა გალის პირველი საშუალო სკოლა. მამა ადრე გარდაცვალა და ოჯახური მდგომარეობის გამო უმაღლესი განათლება ვერ მიიღო, თუმცა ამას მისთვის ხელი არ შეუშლია, რომ წამყვან თანამედრობებზე ემუშავა. იგი საბოლოოდ გალში დამკვიდრდა, ოჯახიც აქ შექმნა, დაქორწინდა მის მიერვე დაარსებული ანსამბლის წევრ სულიკო შენგელიაზე, გახდა სამი შვილის (ლიანა, ზურაბი, რაისა) მამა და ცხოვრებისა და მოღვაწეობის უმნიშვნელოვანესი წლებიც აქ გაატარა. მრავალმხრივი ნიჭით დაჯილდოებულ ადამიანს გამორჩეულად სიმღერა და ცხენოსნობა უყვარდა. ხელოვნებისა და სპორტის ეს დარგები, რომლებიც მის ცხოვრებაში ერთგვარად ავსებდა კიდევ ერთმანეთს (სიმღერა და ცხენზე ჯირითი განსაკუთრებულ ხიბლს რომ სძენდა ვაჟკაცებს, თითქმის განუყრელი რამ იყო იმდროინდელ სამეგრელოში) კოტე ჩიკვატიას ცხოვრების ძირითად საქმიანობად იქცა. მისი განსაკუთრებული ნიჭის წყალობით იგი ორივე ამ დარგის გამორჩეული წარმომადგენელი იყო.

გასული საუკუნის 50-იან წლებში კოტე ჩიკვატია გალში სათავეში ჩაუდგა საცხენოსნო სპორტის განვითარების საქმეს და ჩამოაყალიბა საკოლმეურნეობათაშორისო საცხენოსნო სპორტული სკოლა, რომლის დირექტორი იყო 1977 წლამდე. ამ სკოლამ ხელი შეუწყო ცხენოსნობის ეროვნული სახეობების განვითარებას, საუკუნოვანი ტრადიციები აღადგინა და არაერთი სპორტის ოსტატი გაზარდა, რომლებიც საკავშირო შეჯიბრებებში იმარჯვებდნენ.

მიუხედავად წარმატებული სპორტული თუ საზოგადოებრივი საქმიანობისა, **კოტე ჩიკვატიას** სახელი მაინც ქართულ ხალხურ სიმღერასთან ასოცირდება. ეს არც აირს გასაკვირი, რადგან საუბარია ადამიანზე, რომელმაც გალის სიმღერისა და ცეკვის სახელმწიფო ანსამბლის ოქროს ხანა შექმნა **კინი გეგეჭკორთან და აკაკი ხარებავასთან** ერთად.

1931 წელს კოტე ჩიკვატიამ კინი გეგეჭკორთან, ლეონტი შონიასთან, კაპიტონ შენგელიასთან, ბორის აქუბარდიასთან და სხვებთან ერთად გალის რაიონის სიმღერისა და ცეკვის სახელმწიფო რაიონული ანსამბლი დააარსა. კინი გეგეჭკორის შემდეგ კი (1938 წლიდან) აკაკი ხარებავასთან ერთად ანსამბლის ხელმძღვანელი და წამყვანი სოლისტი იყო. ამ პერიოდში შეიქმნა ანსამბლის სრულიად უნიკალური რეპერტუარი, რომელშიც პოპულარულ სიმღერებთან ერთად მანამდე უცნობი ხალხური მელოდიებიც შევიდა. კოტე ჩიკვატია ამ უძველესი და თითქმის მივიწყებას მიცემული ხალხური სიმღერების მოძიებაში აქტიურად იყო ჩართული. ანსამბლის წევრები საოცარი პროფესიონალიზმით ასრულებდნენ მეგრულ „ჩელასა“ თუ „სიმღერას რუსთაველზე“, „კუჩხი ბედინერის“ თუ „მარებელს“.

„მე თავად ვარ თვითმხილველი, თუ როგორი გულმოდგინებით ეძებდნენ, მარცვალ-მარცვალ აგროვებდნენ ძველ ხალხურ სიმღერებს, როგორი რუდუნებით ამუშავებდნენ, ხვწნდნენ და ახლებურად აჟღერებდნენ მათ ბატონი აკაკი ხარებავა (აკაკი ბიძია) და მამა (მათ ნოტები არ იცოდნენ და ყველაფერს ზეპირად აკეთებდნენ). „კუჩხი ბედინერი“, „სიმღერა რუსთაველზე“, „ერთხელ მხოლოდ, ისიც ძილში“, „მალი ვარდი“, „თიმი იღბალი მიღუდუო“, „მეურემე“, „გეშვია“, „მარებელი“, „ჩელა“ და სხვ. ეს იმ სიმღერების მცირე ჩამონათვალია, რომელთა საკუთარი ვარიანტები შექმნეს მამამ და ბატონმა აკაკიმ და უდიდესი წარმატებით ასრულებდნენ მთელი სიცოცხლის განმავლობაში. მამას ძლიერი, ლამაზი პირველი ხმა ჰქონდა და ვისაც ერთხელ მაინც მოუსმენია მისი სიმღერა, არასდროს შეეშლება სხვაში“, - იხსენებს კოტე ჩიკვატიას ქალიშვილი **რაისა ჩიკვატია-ქარაია**, აფხაზეთის ავტონომიური რესპუბლიკის უმაღლესი საბჭოს წევრი.

გალში, გორკის ქუჩაზე დღემდეა შემორჩენილი სახლი, რომელიც ბევრი საინტერესო მოგონების უტყუარი მოწმეა. კოტე ჩიკვატიას ოჯახი ამ სახლში მასპინძლობდა გალში გასტროლებზე ჩამოსულ „სუბიშვილებს“, აკაკი ხორავას, ვერიკო ანჯაფარიძეს, აფხაზეთის სიმღერისა და ცეკვის სახელმწიფო ანსამბლის ხელმძღვანელს რაჟდენ გუმბას, რომელთანაც ოჯახის უფროსი დამსაკუთრებული ურთიერთობა ჰქონდა. სახლში, სადაც თითქმის ყველა ოჯახის წევრი მღეროდა, ხშირად პირველად სრულდებოდა ბევრი

სიმღერა, რომელიც შემდეგ ანსამბლის რეპერტუარს ქმნიდა. აქ გახშიანებულია როგორც მანამდე უცნობი ხალხური სიმღერები, ისე ნაცნობი მელოდიების ახალი ვარიანტებიც, რომელთა ავტორი ხშირ შემთხვევაში კოტე ჩიკვატია იყო. მისი სიმღერა ყოველთვის გამოირჩეოდა მხოლოდ მისთვის დამახასიათებელი საშემსრულებლო მანერითა და მელოდიების მისეული ინტერპრეტაციებით.

ბაკურ გულუა (იგი მაშინ გალის რაიონის რაიკომის მდივანი იყო, ანსამბლის მოღვაწეობას აქტიურად ადევნებდა თვალყურს და ზედმინვენიტ კარგად იცნობდა მის რეპერტუარს) წლების შემდეგ ასე იხსენებს საოცარი სიმღერების შესრულებით გამოწვეულ ემოციებს: „ჯერ კიდევ მაშინ და მომდევნო წლებშიც არ გამწვანებია გალის რაიონის სიმღერისა და ცეკვის ანსამბლის მიერ სტუმრებსა და მასპინძლებზე დატოვებული განსაკუთრებული შთაბეჭდილება. ღრმად ჩამრჩა მეხსიერებაში მათი საოცარი საშემსრულებლო დონე, განუმეორებელი კოლორიტი, დამოკიდებულება ტრადიციებისადმი, ადამიანებისადმი, დახვეწილი ქცევა და უნიკალური სასიმღერო კულტურა“.

გალის რაიონული გაზეთი „გალის“ ყოფილი რედაქტორი **რაფიელ გელანტია** კოტე ჩიკვატიას პიროვნულ თვისებებზე ამახვილებს ყურადღებას წერილში, რომელიც ხელოვანს ეძღვნება: „კოტე ზუსტად ისეთი იყო, როგორიც სამურზაყანოელთა უმეტესობა - უსიტყვო, ალაღ-მართალი, ნესიერი, ულაღატო, შეუპოვარი, ნიჭიერი, თავის ქვეყანაზე, კუთხეზე, ოჯახსა და წუთისოფელზე უზომოდ შეყვარებული, სისხლითა და ხორციტ ქართველი. იგი ცოცხლობდა სიმღერით, ლექსით, მეგობრებით, ადამიანური ყოფის იმ განსაკუთრებული ნესით, შემოქმედება რომ ჰქვია: ქმნიდა ცნობილი სიმღერების ახალ ვარიანტებს, სანთლით დაეძებდა სოფლებში მივიწყებულ ნიმუშებს, მეგობრებთან ერთად ხვდნდა და ქვეყანას უბრუნებდა სამურზაყანოელთა სახელით, ახლებურად აჟღერებდა „ოდოიას“, „ჯანსულოს“, „სი ქოული ბატას“, „ვარადას“, „ასე ჩონგური ქოფთქუათუს“, „ვაი შური საყვარელის“, „აშო ჩელას“, „რუსთაველს“, „მეურემეს“, „ართი ვარდის“, „თიმი იღბალი მიღუდუოს“, „აბა ულას“ და მრავალ სხვას“.

„ყურში ჩამესმის მისი კრიალა, კამკამა ხმა (ლაპარაკის დროს ცოტა გაბზარული ხმა ჰქონდა), რომელიც არა მარტო თავისი სილამაზით გამოირჩეოდა, არამედ ჰარმონიულად ერწყმოდა ანსამბლის ჟღერადობას. აკაკი ხარებავა და კოტე ჩიკვატია იყვნენ ამ ანსამბლის ხერხემალი, მის უღელში შებმული ხარები - ჩელა და ბუსკა. ამაში ადვილად დარწმუნდებით, თუ გალის რაიონის სიმღერისა და ცეკვის სახელმწიფო ანსამბლის ჩანაწერებს - „მარებელს“, „კუჩხი ბედინერის“, „ჩელას“, „ოდოიას“ და მრავალ სხვა ხალხურ მუსიკალურ შედეგს მოუსმენთ“, - იხსენებს საქართველოს დამსახურებული არტისტი **ჯუმბერ ყოლბაია**.

ამ სიმღერების უდიდესი ნაწილი საქართველოს ტელერადიოკომპანიის ოქროს ფონდში ინახება. ოქროს ფონდშია დაცული ანსამბლზე გადაღებული ფილმი „კოლხური სიუიტიც“, რომელმაც უნიკალურ ხმებთან ერთად ანსამბლის წევრთა სახეებიც შემოგვინახა. ფილმის გადაღება 1970-იან წლებში გადაწყდა. ამისთვის საჭირო იყო გუნდის მოსმენა, რეპერტუარის შერჩევა და ფონოგრამების ჩანერა. გუნდის მოსასმენად გალში ჩასულ ტელევიზიის წარმომადგენლებს მოსმენაზე კოტე ჩიკვატიას ხმა განსაკუთრებით მოეწონათ. ის მღეროდა როგორც დამწყებს, ისე მოძახილსა და ბანს. გუნდის მოსმენაზე ჩასული **ანზორ ერქომაიშვილი** იხსენებს: „მოტეს ლამაზი ხმა ჰქონდა, სიმღერის დროს თავისუფლად იმპროვიზირებდა და ახალ-ახალ ვარიანტებს ქმნიდა, იგი ნამდვილად ღვთიური ნიჭით დაჯილდოებული მომღერალი იყო, თავის მეგობრებთან კარგად იყო შემღერებული და გასაოცარი ტექნიკითა და განსაკუთრებული სასიმღერო მანერით ასრულებდა უძველეს მეგრულ სიმღერებს. მაშინ ბევრი ჩემთვის უცნობი სიმღერა მოვისმინე, რომელიც დღემდე არ ამოდის ჩემი მეხსიერებიდან“.


1958 წელს კოტე ჩიკვატიას აფხაზეთის დამსახურებული არტისტის წოდება მიენიჭა. 1980 წელს გალში მისი საიუბილეო საღამო გაიმართა. როგორც მისი ოჯახის წევრები ჰყვებიან, 1981 წლის 16 იანვარს საავადმყოფოში მძიმე ავადმყოფმა სიმღერა წამოიწყო, საოცრად ლირიკული მეგრული მელოდია, რომელსაც რეფრენად სიტყვები - „ჩქიმი ცოდა...“ (ჩემი ცოდევა...) გასდევდა. ამ სიმღერით გამოემშვიდობა წუთისოფელს.

2009 წელს გალელმა მეზობელმა **ომარ ეზუგბაიამ** თბილისში, დევნილობაში მცხოვრებ ჩიკვატიების ოჯახს კოტე ჩიკვატიას არქივი ჩამოუტანა, რომელიც მანამდე დაკარგული ეგონათ. არქივი ომის დაწყებამდე სულ რაღაც ერთი თვით ადრე გაატანეს ოჯახში რაჟდენ გუმბას სახელით მოსულ ქალბატონს. მალე ომი და დევნილობის წლები დაიწყო და ამ მასალების დაბრუნების იმედი არავის ჰქონდა.

დღემდე არავინ იცის, ვინ ჩამოიტანა სოხუმიდან უნიკალური ფოტოები, სიგელები, დიპლომები, ფირები, კოტე ჩიკვატიას აფხაზეთის დამსახურებული არტისტის დიპლომიც კი... არადა, აგერ უკვე ორ ათეულ წელზე მეტია „ამ აფხაზეთის“ დაბრუნებაზე ვოცნებობთ.



გალის კულტურის სახლის სიმღერისა და ცეკვის ანსამბლის სოლისტები. გარეხნიდან: კოტე ჩიკვატია, ლეონტი შონია, მეგრუხრაზა.



კინი გეგეჭკორი და კოტე ჩიკვატია



პადრი ფილვიდან „კოლხური სიუიტა“, სიმღერა „მარებელი“.



პადრი ფილვიდან „კოლხური სიუიტა“

თაობა, რომელმაც უცხო ბარემოში დამკვიდრება შეძლო

მაია შონია

მეგი მარლანია სოხუმში დაიბადა. ომი რომ დაიწყო, რვა წლის იყო, სოხუმის მე-11 საშუალო სკოლაში სწავლობდა. მერე იყო დევნილობის წლები. საცხოვრებელი ადგილებისა და სკოლების შეცვლა, გაჭირვების გამო ზოგჯერ მთელი სემესტრის გაცდენა. მიუხედავად ამისა, 1999 წელს სტუდენტი გახდა. თბილისის სახელმწიფო უნივერსიტეტის სოხუმის ფილიალში ბაკალავრიატი ინგლისური ენისა და ლიტერატურის სპეციალობით დაამთავრა და სწავლა თბილისის სახელმწიფო უნივერსიტეტის მაგისტრატურაზე გააგრძელა.

ოჯახიც ამ პერიოდში შექმნა. ბედი ასევე სოხუმელ ირაკლი ყურუას დაუკავშირა, იქ თანაკლასელები იყვნენ... შემდეგ სოხუმის უნივერსიტეტში შეხვდნენ ერთმანეთს და მიხვდნენ, რომ ერთად უნდა გაეგრძელებინათ გზა. ირაკლი პროფესიით დიპლომატია, მაგრამ სპეციალობით არ მუშაობს. ორი შვილი ჰყავთ 13 წლის გოგონა და 6 წლის ბიჭუნა.

ლიდერის თვისებებით ბავშვობიდანვე გამოირჩეოდა და მენეჯერული პოზიცია ყოველთვის იზიდავდა. სწორედ ეს გახდა მთავარი მიზეზი, რის გამოც 2007 წელს ბაგა-ბაღების დირექტორების თანამდებობაზე თბილისის მერიის მიერ გამოცხადებულ კონკურსში მიიღო მონაწილეობა და შედეგებით პირველ ხუთეულში აღმოჩნდა. მას აქეთ წარმატებით უძღვება თბილისის მე-100 საბავშვო ბაგა-ბაღს (იისფერ ბაღს). თუმცა ეს ყველაფერი ადვილი არ იყო. მის მიერ გავლილ რთულ და შრომატევად გზაზე თავად **მეგი მარლანია** გვესაუბრება:

- 750 კონკურსანტში ქულების მიხედვით მეხუთე ადგილზე გავედი და თბილისის ერთ-ერთი ყველაზე დიდი საბავშვო ბაღის დირექტორად დავინიშნე. 2007 წელს ბაღების ოპტიმიზაცია მოხდა და ჩვენს ბაღში სამი ბალი გაერთიანდა. დირექტორი რომ გავხდი, 24 წლის ვიყავი. ჩემი უფროსი შვილი, სამი წლის იყო და ერთ-ერთი შემოერთებული ბაღის აღსაზრდელი იყო, ანუ იმ კოლექტივს ვიცნობდი როგორც მშობელი. სამი კოლექტივის შეერთება და ერთ გუნდად ქცევა ადვილი არ აღმოჩნდა, მაგრამ ყველაფერი გადავლახეთ. ძალიან მალე დავემგობრდი ყველანი. ამჟამად გვყავს ასი თანამშრომელი და 800 აღსაზრდელი.

- 24 წლის გოგონასთვის რთული არ იყო ამხელა კოლექტივის ხელმძღვანელობა?

- რა თქმა უნდა, ძალიან რთული იყო, მაგრამ, ჩემი აზრით, სკოლაშივე ბავშვებთან ურთიერთობის გამოცდილება რომ არ მქონდა, ეს გარკვეულწილად უკეთესიც აღმოჩნდა. რადგან თავიდანვე რომ მცოდნოდა, რამხელა პასუხისმგებლობასა და შრომას ვეჭიდებოდი, შესაძლოა, არც დამენოა ამ მუშაობა.

- საბავშვო ბაღის დირექტორმა რატომ გადაწყვიტეთ? ბევრი სამსახური ჩამოთვალეთ, სადაც შეგეძლოთ კარიერის გაგრძელება.

- სწავლის დამთავრების შემდეგ სულ ძიებაში ვიყავი. ყოველთვის მინდოდა რაღაც სფეროში მენეჯერულ პოზიციაზე მომესინჯა ძალა. ვფიქრობ, ბავშვობიდან იყო ჩემში ლიდერის თვისებები. მანამდე რამდენიმეგან ერთდროულად ვმუშაობდი. მინდოდა ერთ ადგილას ვყოფილიყავი და ძალების კონცენტრაცია მომეხდინა. მერე შევეჩვიე და შემიყვარდა აქაურობა, ეს საქმე. ახლა უკვე ძალიან ბევრი რამაა ამ ბაღში ჩემი ხელით შექმნილი და დასათმობად მენანება. თუმცა მიმაჩნია, რომ დადგება დრო, როცა წინ უნდა წავიდე და ერთ ადგილას არ გავეჩერდე.

- როგორი მდგომარეობა დაგხვდათ ბაღში და რა გააკეთეთ მის შესაცვლელად?

- შენობა, ფაქტობრივად, განადგურებული დამხვდა. მის ნახევარ ნაწილში დევნილები ცხოვრობდნენ. ისინი რომ გაიყვანეს, ძალიან ცუდი მდგომარეობა დარჩა. ბაღში 170 აღსაზრდელი ირიცხებოდა. დავინყეთ ბაღის შენობის სრულად ათვისება, გარემონტებ. რემონტი სამზარეულოდან დაიწყო, რათა ბავშვებს ჯანსაღი და უსაფრთხო საკვები ჰქონოდათ. ამჟამად შენობა მთლიანად გარემონტებულია. კეთილმოეწყო ეზო, გამოიცვალა ავეჯი, საბავშვო ბაღში გაჩნდა სათამაშოები, რაც, ფაქტობრივად, მანამდე არ არსებობდა. ვიზრუნეთ ისეთ საკითხებზეც, როგორცაა კანცელარია, დოკუმენტაციის

მოწესრიგება, თანდათან ელექტრონული საქმის წარმოებაზე გადავედით.

- გახდა თუ არა საჭირო საკადრო ცვლილებები?

- განვლილი ათი წლის განმავლობაში, რა თქმა უნდა, მოხდა საკადრო ცვლილებები, მაგრამ მხოლოდ 4-5 ადამიანს შეველიეთ, ვინც ფეხი ვერ აუწყო ახალ ვითარებას. ძირითადად ძველი გუნდი შევინარჩუნეთ, დაახლოებით 60-მდე ახალი თანამშრომელიც მივიღეთ. მერე ყველა მათგანი გადავამზადეთ თანამედროვე სტანდარტების შესაბამისად. ათი წლის განმავლობაში უამრავი ტრენინგი გვაქვს გავლილი. ჩვენი პედაგოგები გადამზადებას გადიან ილიას უნივერსიტეტში არსებულ სკოლამდელი აღზრდის ცენტრში. ცენტრთან მემორანდუმი გვაქვს დადებული და თუ რამე სიახლე შემოდის, ყველაფერს ვეცნობით.

ერთი წელია, რაც ჩვენს ბაღს თავად აქვს რესურსცენტრის სტატუსი, ანუ გვყავს საგანგებო გუნდი, რომელსაც უფრო მეტად ვამზადებთ და მერე ისინი მთელ კოლექტივს, ასევე მომავალ პედაგოგებს, ფსიქოლოგებს, უტარებენ ტრენინგებს. ჩვენი პედაგოგები წარმატებული ტრენერ-სუპერვაიზორები არიან. ისინი დადიან კიდევ სხვა ბაღებში თბილისის მასშტაბით. ეს ყველაფერი თბილისის მერიასა და გაეროს ბავშვთა ფონდთან დადებული მემორანდუმის საფუძველზე ხორციელდება.

- თქვენს კაბინეტში ძალიან ბევრი სიგელი და სერთიფიკატია გამოფენილი.

- მართლაც უამრავი სიგელი და სერთიფიკატი გვაქვს მიღებული სხვადასხვა პროექტში მონაწილეობისთვის, ასევე ინკლუზიური განათლების დანერგვისთვის. ჩვენი ბაღი იყო პირველი, სადაც მოხდა შეზღუდული შე-



საძლებლობების მქონე ბავშვების ჯგუფებში ინტეგრირება. ყოველწლიურად ოცამდე ასეთი აღსაზრდელი გვყავს. ამ მიმართულებით ძალიან დიდი წარმატებები გვაქვს. თითქმის ყველა პედაგოგმა გაიარა შესაბამისი ტრენინგი. ნებისმიერი სიმძიმის ბავშვის მისაღებად მზად ვართ. გარემო იმდენად ადაპტირებული არ არის, მაგრამ, მიუხედავად ამისა, უარს არავის ვეუბნებით.

- თქვენი ბაღის უმთავრეს პრობლემად რას მიიჩნევთ?

- დღეს ჩვენი და საერთოდ საჯარო ბაღების ყველაზე დიდი პრობლემაა ის, რომ ჯგუფში 40-დან 45 ბავშვამდეა. თუმცა, არსებობს სპეციალური პროგრამა, რომელიც ამ ყველაფერზეა მორგებული და ჩვენს რეალობასთანაც ახლოსაა. თემატური სწავლება ჯგუფურად მიმდინარეობს და აღმზრდელი ახერხებს, ყველამ ერთნაირად აითვისოს პროგრამა. ეს პროცესი კარგადაა ორგანიზებული. გარემოც შესაბამისად მოეწყო. იმედი გვაქვს, დაგეგმილი ახალი ბაღების გახსნის შემდეგ ჩვენი ბაღიც განიტვირთება.

- კერძო ბაღები რამდენად გინევენ კონკურენციას და თქვენი ბაღი სხვებისგან რითი გამოირჩევა?

- კერძო ბაღების ერთადერთი უპირატესობაა ჯგუფებში ბავშვთა რაოდენობის სიმცირეა. სხვა მხრივ, მათ კონკურენციას თავი-



სუფლად ვუწევთ. პროგრამის, კვების, ეზოს, გასეირნების და პირობების მხრივ ჩვენთან არსებული სიტუაცია ბევრ მშობელს ჩვენს სასარგებლოდ განაწყობს. ჩვენ განსაკუთრებულს არაფერს ვაკეთებთ. ყველა ბაღის მოვალეობაა აკეთოს ის, რასაც ვაკეთებთ ჩვენ. ქალაქის მერია ყველა ბაღს ერთნაირად უყენებს ამ მოთხოვნებს. ჩვენ რასაც სხვებზე უკეთ ვაკეთებთ, არის ის, რომ ჩვენი ბაღის კარი ღიაა ყველა ბავშვისთვის. მშობელმა იცინა ეს და თუ ვინმეს რამე პრობლემა აქვს, ყველა თავშესაფარს ჩვენთან ეძებს. ეს არის ჩვენი ძირითადი განმასხვავებელი ნიშანი.

მეტი ჰქონდათ იმის გამო, რომ წერა-კითხვა იცოდნენ და არ ფლობდნენ იმ უნარ-ჩვევებს, რაც უფრო აუცილებელი იყო, მაგალითად, ჯდომის, მოსმენის კულტურა და ა. შ. კარგია, რომ ახალი პროგრამით ეს შეიცვალა. 800-ივე აღსაზრდელი ერთად მონაწილეობს ყველა ღონისძიებაში, რომელიც ძირითადად ეზოში იმართება. ზამთარშიც, საახალწლო ზეიმიც კი ეზოში გვაქვს ხოლმე.

- ინარჩუნებთ თუ არა რამენაირ კონტაქტს თქვენს აღსაზრდელბთან მათი სკოლაში წასვლის შემდეგ?

- როგორც წესი, არ გვაქვს ვალდებულება, რომ ბავშვებს სკოლაშიც მივადევნოთ თვალი, მაგრამ რადგან ამდენ დროს, ენერგიას და შრომას ვდებთ თითოეულ აღსაზრდელში, სკოლებშიც ვერ ვტოვებთ მათ უყურადღებოდ. ბავშვებს ვაბარებთ სპეც-პედაგოგებს, რომ გაგრძელებდნენ მათთან ის მუშაობა, რაც ჩვენ დავინყეთ, რათა ყველაფერი წყალში არ ჩაიყაროს. ამიტომ მუდმივად ვკითხულობთ მათ ამბავს.

- ადრე ბაღის გამგეები მთელი ცხოვრება ამ თანამდებობაზე რჩებოდნენ და მათი გამოცდილება არ იყო დასაკარგი. თქვენ უკვე დაგიგროვდათ საკმაო გამოცდილება. მიუხედავად ამისა, მომავალში სად ხედავთ თქვენს თავს?

- სწავლის გაგრძელებაზე ვფიქრობ. ამ ათი წლის გადასახედიდან ვხვდები, რომ მეტი განათლება უნდა მიმეღო, მეტი დრო უნდა დამეთმო ამისთვის. ბაღს ძალიან დიდი დრო სჭირდება. ეს არის მუშაობა არა მხოლოდ ორშაბათიდან პარასკევამდე, არამედ შაბათ-კვირის ჩათვლით, მთელი ზაფხული, ადრიაინი დილიდან საღამოს 9-10 საათამდე. ეს საკმაოდ რთული გრაფიკია. სწავლა გვერდზე დამრჩა, რაზეც გული მწყდება. დოქტორანტურაზე ვფიქრობ. მხატვრულ თარგმანს დავემშვიდობებ. თუმცა, ძალიან საინტერესო საქმეა და ძალიან მიყვარს. ჩემი სამაგისტრო თემა იყო ბაირონის თარგმანების შესწავლა. ვთარგმნიდი კიდევ, მაგრამ ეს საქმე დიდ დროს მოითხოვს. საერთოდ, ერთ საქმეს რომ მოვკიდებ ხელს, არ მიყვარს მისთვის დროის წართმევა და პარალელურად სხვა საქმის კეთება. ამან განაპირობა, რომ ჩემი სპეციალობა დროებით დავივინყე.

- როგორ წარმოგიდგენიათ აფხაზეთში დაბრუნება? ხშირად ამბობენ, იქიდან წამოსული გოგო-ბიჭები უკან არ დაბრუნდებიანო?

- ბევრჯერ მიფიქრია ამაზე. გული მწყდება, რომ ის თაობა, რომელსაც ყველაზე მეტად უნდოდა დაბრუნება, ჩვენი ბებები და ბაბუები, სამწუხაროდ, აღარ არიან. ჩვენი მშობლებიც წაუღენ ალბათ. მე და ჩემს კლასელებსაც გვინდა დაბრუნება, მაგრამ ჩვენი შვილების თაობა არ ვიცი, ნავა თუ არა...

მეგი მარლანიას განცხადებით ურთულესი წლებისთვის თვალის მიდევნება იმის თქმის უფლებას აძლევს, რომ მისი თაობა შედგა და მან უცხო ქალაქში, უცხო გარემოში დამკვიდრება და საკუთარი თავის რეალიზება შეძლო. თუმცა „ომი ისეთი რამეა, რომ შეიძლებოდა, საერთოდ დავკარგულიყავით“, - ამბობს მეგი მარლანია.

„აფხაზეთის ეტალონი მოსწავლე“ გამოვლინდა

ირმა გოგოლაძე

აფხაზეთის არ განათლებისა და კულტურის სამინისტროს ვალერი არქანას სახელობის არტ-გალერეაში „ეტალონის“ მორიგი ინტელექტ-ჩემპიონატი გაიმართა. ინტელექტ-ჩემპიონატზე გამოვლინდა „აფხაზეთის ავტონომიური რესპუბლიკის ეტალონი მოსწავლე“, რომელიც გაზაფხულზე, ეროვნული ინტელექტ-ჩემპიონატის გრანდიოზულ ფინალში მიიღებს მონაწილეობას. „აფხაზეთის ავტონომიური რესპუბლიკის ეტალონი მოსწავლის“ გამოსავლენად ერთმანეთს აფხაზეთის საჯარო და ოკუპირებული გალის რაიონის სკოლების 43 მოსწავლე მოსწავლე შეეჯიბრა.



აფხაზეთის არ ეტალონი მოსწავლის ტიტულს ცოტნე ქვარაია, აფხაზეთის მე-11 სკოლის მე-11 კლასის მოსწავლე დაეუფლა (75 ქულა). მე-2 ადგილზე გავიდა გიორგი გახარია, აფხაზეთის მე-10 სკოლის მე-11 კლასის მოსწავლე (72 ქულა), მე-3 ადგილზე კი ელენე გვაგავალია, საბერიოს მე-2 სკოლის მე-11 კლასის მოსწავლე (64 ქულა).

მომდევნო ადგილები შემდეგნაირად გადანაწილდა: მე-4 ადგილი - დავით მორგოშია, აფხაზეთის მე-7 სკოლის მე-11 კლასის მოსწავლე (62 ქულა); მე-5 ადგილი - მათე თოდუა, აფხაზეთის მე-14 სკოლის მე-10 კლასის მოსწავლე (62 ქულა); მე-6 ადგილი - მეგი ლემონჯავა, თავილონის სკოლის მე-11 კლასის მოსწავლე (61 ქულა); მე-7 ადგილი - ანა შელია, აფხაზეთის მე-3 სკოლის მე-9 კლასის მოსწავლე (59 ქულა); მე-8 ადგილი - ლუკა იოსავა, აფხაზეთის მე-11 სკოლის მე-11 კლასის მოსწავლე (58 ქულა); მე-9 ადგილი - ნანა ქირია, აფხაზეთის მე-14 სკოლის მე-10 კლასის მოსწავლე (57 ქულა).

ინტელექტ-ჩემპიონატს ესწრებოდნენ: დიმიტრი ჯაიანი, აფხაზეთის არ განათლებისა და კულტურის მინისტრი; ბესიკ ოდიშარია, აფხაზეთის არ განათლებისა და კულტურის მინისტრის მოადგილე; ელგუჯა გვაგავა, აფხაზეთის არ უმაღლესი საბჭოს თავმჯდომარე; აფხაზეთის არ განათლებისა და კულტურის სამინისტროს თანამშრომლები, სკოლების დირექტორები, პედაგოგები, მოსწავლეები და მათი მშობლები.

პროექტის მხარდამჭერია დავით აღმაშენებლის სახელობის საქართველოს ეროვნული თავდაცვის აკადემია.



აფხაზეთის არ განათლებისა და კულტურის სამინისტრო აწხადებს ფოტოკონკურსს - „აფხაზეთის ისტორიულ-არქიტექტურული ძეგლები“



როგორც ცნობილია, ოკუპირებული აფხაზეთის ავტონომიური რესპუბლიკის ტერიტორიაზე არსებული ისტორიულ-არქიტექტურული ძეგლები მძიმე მდგომარეობაშია. არსებობს რეალური საფრთხე, რომ მათი დიდი ნაწილი რესტავრირების პერსპექტივის გარეშე განადგურდეს, რაც არა მარტო ქართული მხარის, არამედ აფხაზეთის გარკვეული ნაწილისა და საერთაშორისო თანამეგობრობის აღშფოთებას იწვევს. აქედან გამომდინარე, ცნობილია, რომ აფხაზეთის

ავტონომიური რესპუბლიკის განათლებისა და კულტურის სამინისტრომ კულტურულ მემკვიდრეობაზე ზრუნვა თავისი საქმიანობის ერთ-ერთ სტრატეგიულ მიმართულებად აქცია.

ამ სტრატეგიის ნაწილია სამინისტროს კულტურულ ფასეულობათა დაცვის სამსახურის მიერ შემუშავებული კიდევ ერთი ქვეპროგრამა - ფოტოკონკურსი „აფხაზეთის ისტორიულ-არქიტექტურული ძეგლები“. ქვეპროგრამა გულისხმობს აფხაზეთის ავტონომიური რესპუბლიკის ტერიტორიაზე დარჩენილი კულტურული მემკვიდრეობის (ეკლესია, სასახლე, ხიდი, ციხე, კოშკი, საინჟინრო ნაგებობები და სხვ, ან მათი ნაშთები) ამსახველი ფოტომასალის მოპოვებას, მათი ამჟამინდელი მდგომარეობის დაფიქსირებას, რათა ახალგაზრდებს კიდევ ერთხელ გავაცნოთ და შევახსენოთ აფხაზეთში არსებული ჩვენი ისტორიულ-არქიტექტურული მემკვიდრეობა.

ფოტოკონკურსის დებულება და კონკურსანტის სარეგისტრაციო ანკეტის ფორმა იხილეთ სამინისტროს ვებ-გვერდზე განთავსებულ ბანერზე „ფოტოკონკურსი“, სამინისტროს მიერ შექმნილ ვებ-გვერდზე „აფხაზეთის კულტურა და კულტურული მემკვიდრეობა“ (www.abculture.ge).

კონკურსანტთა რეგისტრაციისა და საკონკურსო ფოტომასალის წარმოდგენის ბოლო თარიღია 2017 წლის 18 ნოემბერი.

სპორტი

აფხაზეთის ღია პირველობა ფარიკაობაში

აფხაზეთის არ განათლებისა და კულტურის სამინისტრომ სპორტისა და ახალგაზრდობის საქმეთა სამსახურის ინიციატივით და აფხაზეთის არ მთავრობისა და აფხაზეთის ფარიკაობის ფედერაციის მხარდაჭერით, ჩაატარა აფხაზეთის ღია პირველობა ფარიკაობაში 2003-2005, 2006-2007 წ. დაბადებულ გოგონებსა და ვაჟებს შორის ხმალში, რაპირასა და დაშნაში. შეჯიბრებაში საქართველოს რეგიონების მოფარიკავეებთან ერთად მონაწილეობდნენ აზერბაიჯანის, სომხეთის, ბელარუსის, რუსეთის, ირანის სპორტსმენები.



აფხაზეთის სპორტსმენები შემდეგი საპრიზო ადგილების მფლობელები გახდნენ:

რაპირა - ბიჭები 2003-2005 წ.წ. ნოდარ ბოკერია - III ადგილი; რაპირა - გოგონები, 2003-2005 წ.წ. ნატალია ხარაიშვილი - I ადგილი. ხმალ - ბიჭები 2006-2008 წ.წ. ალექსანდრე თავართქილაძე - I ადგილი; ხმალ - გოგონები 2006-2008 წ.წ. თეკლა ბინაძე - III ადგილი. ხმალ - ბიჭები 2003-2005 წ.წ. ლუკა ლომინაძე - I ადგილი; ხმალ - გოგონები 2003-2005 წ.წ. ლიზა ბაკიაშვილი - III ადგილი. დაშნა - ბიჭები 2005-2007 წ.წ. ლუკა კაჭარავა - II ადგილი;

თამაზ კაკულიას სახელობის პრიზი გადაეცა შეჯიბრების ყველაზე პატარა მონაწილეს კონსტანტინო ძუფას, როზა ჯოლოგუას სახელობის პრიზი კი ტურნირის პერსპექტიულ სპორტსმენს ნიკოლოზ ჭავჭავაძეს. სპორტსმენებს ჯილდოები გადასცეს აფხაზეთის მთავრობის თავმჯდომარის მოვალეობის შემსრულებელმა ვახტანგ ყოლბაიამ, აფხაზეთის განათლებისა და კულტურის მინისტრის მოადგილემ როლანდ ნიუარაძემ, სპორტისა და ახალგაზრდულ საქმეთა სამსახურის უფროსმა ვიტალი ბენდელიანმა და სხვ.

აფხაზეთის ღია პირველობა მძლეოსნობაში

აფხაზეთის ავტონომიური რესპუბლიკის განათლებისა და კულტურის სამინისტროს სპორტისა და ახალგაზრდობის საქმეთა სამსახურის ორგანიზებით და აფხაზეთის მძლეოსნობის ფედერაციის მხარდაჭერით, 2017 წლის 9 აპრილს გაიმართა აფხაზეთის ღია პირველობა მძლეოსნობაში (პროგრამის სხვადასხვა სახეობაში) დიდებში, ბირთვით კერაში კი 1999-2003 წ.წ. დაბადებულ ახალგაზრდებს შორის.



აფხაზეთის ღია პირველობა მძლეოსნობაში ჩატარდა აგრეთვე, პირადი პირველობის სახით, გოგონებსა და ვაჟებს შორის. შეჯიბრებაში მონაწილეობდნენ საქართველოს სხვადასხვა რეგიონის მძლეოსნები.

აფხაზეთის სპორტსმენებმა შემდეგი საპრიზო ადგილები მოიპოვეს:

ვაჟებს შორის: სიგრძეზე ხტომა - ირაკლი გელანტია, I ადგილი; რბენა 1000 მ. - ნიკა ხოჭოლაძე, II ადგილი; რბენა 100 მ. - საბა კურდელია, I ადგილი; ჭოკით ხტომა - საბა სოსელია, I ადგილი; ჭოკით ხტომა - მიშა ცანავა, II ადგილი; სამხტომი - ირაკლი გელანტია, I ადგილი; სამხტომი - მიშა ცანავა, III ადგილი.

გოგონებს შორის: ჭოკით ხტომა - სალომე ინჯგია, I ადგილი; ჭოკით ხტომა - მელი შონია, II ადგილი; ჭოკით ხტომა - მეგი შონია, III ადგილი.

სპორტის ადმინისტრაციის სემინარი

ვალერი არქანას არტ გალერეაში აფხაზეთის ავტონომიური რესპუბლიკის განათლებისა და კულტურის სამინისტროს ორგანიზებით და საქართველოს ოლიმპიურ კომიტეტთან და ეროვნულ ოლიმპიურ აკადემიასთან თანამშრომლობით, ცოდნისა და ინფორმირებულობის ამაღლების მიზნით, სპორტის ადმინისტრატორთა სემინარი გაიმართა. სემინარი სოკის მიერ შემუშავებული სპორტის ადმინისტრირების სახელმძღვანელოს გამოყენებით წარიმართა.



სემინარს გალის ოკუპირებული ტერიტორიიდან გადმოსული პედაგოგები და სპორტის მუშაკები, აფხაზეთის საჯარო სკოლის მასწავლებლები ესწრებოდნენ.

სემინარის მონაწილეებსა და მხარდამჭერ ორგანიზაციებს თანამშრომლობისთვის მადლობა გადაუხადა აფხაზეთის არ განათლებისა და კულტურის მინისტრის მოადგილემ როლანდ ნიუარაძემ.

ფერების დღესასწაული

არტ ფესტივალი ასი ქართველი მხატვრის მონაწილეობით

მაია შონია

აფხაზეთის არ განათლებისა და კულტურის სამინისტროს ვალერი არქანიას სახელობის არტ გალერეაში მოწყობილი არტ ფესტივალი ჩანაფიქრზე უკეთესი გამოვიდა. ორგანიზატორები ფესტივალზე 50 მხატვრის მონაწილეს გეგმავდნენ, გალერეაში წარმოდგენილ ექსპოზიციაზე კი ასამდე ქართველი მხატვრის ნამუშევარი გამოიფინა. საგამოფენო სივრცეში ყველა მსურველი ვერც დაიტია. ნამუშევრები ეზოშიც იყო გამოფენილი. ცნობილი მხატვრების გვერდით ახალბედებსაც მრავლად ნახავდით. ფესტივალის უმთავრესი ხიბლი ესეც იყო, რომ დამთვალიერებელს სასურველი ნახატის შეძენაც შეეძლო.

არტ ფესტივალის მოწყობის იდეა ორი სხვადასხვა თაობისა და ხედვის მხატვარს - დავით ბაძალუასა და ამირან კუპრაევს - გაუჩნდა. ფესტივალის ორგანიზებაც მათივე შექმნილმა გალერეა 2 ART-მა იტვირთა.

არტ ფესტივალი აფხაზეთის არ განათლებისა და კულტურის მინისტრმა დიმიტრი ჯაიანმა გახსნა, მან თქვა: - ჩვენი საგამოფენო დარბაზი სოხუმელი, ძალიან საინტერესო მხატვრის ვალერი არქანიას სახელს ატარებს და გახარებული ვართ, რომ ასეთ გამოფენა-გაყიდვას სწორედ აქ ჩაეყარა საფუძველი. შესანიშნავი ნამოყვებაა, რომელიც, მხატვრების ურთიერთგაცნობის პარალელურად, საკუთარ დამთვალიერებელთან შეხვედრასაც გულისხმობს. გილოცავთ ამ არაჩვეულებრივ დღეს და ჩვენი გალერეის კარები თქვენთვის მომავალშიც ყოველთვის ღია იქნება.

გამოფენის ერთ-ერთმა ორგანიზატორმა ამირან კუპრაევმა სულ რამდენიმე წინადადებაში ჩაატია თავისი ემოცია: - გაზაფხულია, კარგი ამინდია, რაც ყველას გვიხარია. ერთმა მხატვარმა მითხრა, გარეთ როგორი ამინდია არის, ისეთივე განწყობაა ამ სივრცეში. ვფიქრობ, გამოფენა შედგა. მადლობა თითოეულ მონაწილეს, რომელთა გარეშე არაფერი გამოვიდოდა.

გამოფენის მეორე ორგანიზატორმა, მხატვარმა დავით ბაძალუამ თქვა: - ვფიქრობ, ეს დღე მართლაც იქცა ხელოვნების ზეიმად. ამის დასტურია ის ადამიანები, რომლებიც საათობით ათვალიერებდნენ გამოფენას და აღფრთოვანებულები, დადებითად დამუხტულნი ფეხს ითრევდნენ, ნასვლა არ უნდოდათ. ეს მაინიშნებს იმაზეც, რომ ამ ფესტივალს განვითარება უნერია და მომავალში, დარწმუნებული ვარ, უფრო მასშტაბურ სახეს მიიღებს. მე რადგან აფხაზეთიდან ვარ, ძალიან მიხლოდა, ამ კარგ ნამოყვებას აფხაზეთთან ჰქონოდა კავშირი. ამიტომაც გავმართეთ ეს ფესტივალი აფხაზეთის არტ განათლებისა და კულტურის სამინისტროს შენობაში, ვალერი არქანიას სახელობის არტ გალერეაში. ვიმედოვნებ, ასეთ ფესტივალს სოხუმშიც ჩავატარებთ.

საქართველოს მხატვართა კავშირის თავმჯდომარე გურამ ცერცვაძე: - თბილისში არტ ფესტივალებით არც ისე განებივრებულები

ვართ. ასი მხატვრის მონაწილეობით გამოფენის მოწყობა, რაც ორმა შესანიშნავმა მხატვარმა შეძლო, არც ისე ადვილია. სხვადასხვა თაობის მხატვრების ასე, ერთ სივრცეში შეკრება, ძალიან იშვიათი მოვლენაა. ასეთი გამოფენები არა მხოლოდ თბილისში, საქართველოს სხვადასხვა რეგიონებშიც უნდა გაიმართოს. ეს ქართული მხატვრობის პოპულარიზაციისთვისაა აუცილებელი. ქართველი მხატვრების უცხოეთში გასვლაც ძალიან მნიშვნელოვანია. უნდა გაერთიანდეს ყველა მხატვარი და ბევრი ასეთი გამოფენა უნდა მოეწყოს. ეულოცავ გამოფენის ყველა მონაწილეს ამ ფესტივალს და მომავალში ასეთი ფესტივალი აფხაზეთში ჩვენს აფხაზ კოლეგებთან ერთად გაგვემართოს.

თბილისის სამხატვრო აკადემიის პროფესორმა, მხატვარმა ელდარ ქაფშაიამ ფესტივალის მნიშვნელობა ასე შეაფასა: - მხატვარსა და საზოგადოებას შორის ურთიერთობა არ უნდა განწყდეს. მხატვარი ხატავს, მაგრამ თუ მნახველი არ ჰყავს, ამას აზრი არა აქვს. მხატვარი სახელოსნოში საკუთარ თავთან მარტოა, ეს ინტიმური მომენტი, მაგრამ ამას მხოლოდ თავისთვის არ აკეთებს. მისი შემოქმედება განკუთვნილია ხელოვნების ამ დარგით დაინტერესებული ადამიანებისთვის. საზოგადოებასა და ხელოვნის შორის თუ არ შედგა კონტაქტი, ვერც ერთი ვერ განვითარდება. ვიღაც დაგინახავს, ვიღაც გაგაპირიტიკებს, ვიღაც შეგაქებს, ვიღაცა იყიდის, ვიღაცები ერთმანეთს დაინახავენ და შეიძლება ახალი პროექტის იდეაც გაჩნდეს. ძალიან მნიშვნელოვანი და კარგია, რომ ეს ყველაფერი აფხაზეთის განათლებისა და კულტურის სამინისტროში მოხდა. აქ ძალიან ცნობილი და კარგი მხატვრები იყვნენ წარმოდგენილი მთელი საქართველოდან. სასიხარულოა, რომ მათ გვერდით თამამად იყო გამოფენილი აფხაზეთის მხატვრების ნამუშევრები და ისინი არავის ჩამოუყარდებოდნენ. ძალიან კარგი იქნება, მომავალში ეს პროექტი განვითარდეს, ექსპოზიციის მოწყობის კულტურა უფრო დაიხვეწოს და რეგულარული ხასიათი მიიღოს. ასეთი გამოფენის ამ სივრცეში გამართვა აფხაზეთის განათლებისა და კულტურის სამინისტროსთვისაც დიდი წარმატებაა.

აფხაზეთის მხატვრების გამორჩეულობაზე ისაუბრა აფხაზეთის ავტონომიური რესპუბლიკის მთავრობის თავმჯდომარის მოვალეობის შემსრულებელმა ვახტანგ ყოლბაიამ: - ამ მასშტაბის გამოფენა აფხაზეთის განათლებისა და კულტურის სამინისტროში პირველად მოეწყო და დიდი მადლობა მათ, ვისაც ამ ფესტივალის ჩატარება აზრად მოუვიდა. ძალიან მრავალფეროვანი გამოფენა იყო, რამდენი სტილისა და მიმართულების მხატვარი იყო წარმოდგენილი. როგორც ხელოვნების ჩვეულებრივ მოყვარულსა და დამთვალიერებელს, მეც ძალიან ბევრი ნამუშევარი მომეწონა. გამოფენაზე აფხაზეთის მხატვრები ძალიან ბევრნი იყვნენ და ჩვენთვის ეს ყველაზე მნიშვნელოვანი და სასიხარულოა.



არტ ფესტივალმა მხატვარსა და დამთვალიერებელს შორის უშუალო გარემო შექმნა. წლების უნახავი მხატვრები და ნახატები შეახვედრა ერთმანეთს და ამით ფესტივალის მოწყობის მიზანიც გამართლდა. გამოფენის მნიშვნელობის შეფასებისას სწორედ ამას გაუსვა ხაზი სამხატვრო აკადემიის გამოყენებით ხელოვნების კათედრის გამგემ ჯუმბერ ბეჭვაიამ: - ამ პროექტის კონცეფცია იყო, ცნობილ მხატვრებთან ერთად ნაკლებად ცნობილი მხატვრებიც ყოფილყვნენ წარმოდგენილი და მხატვრებსა და მათ დამფასებლებს შორის ახლო კონტაქტი შემდგარიყო. ვისურვებდი, რომ შემდგომში ახდენილიყოს ზუსტად ის, ერთი საუკუნის წინანდელი ოცნება, რომელიც ჰქონდა ფიროსმანს - დიდი სამოვარი დაეფასებოდა ემსჯელათ ხელოვნებაზე. მხატვრებს ბევრი ჰქონდათ და აქვთ კიდევ სალაპარაკო. ისინი მხოლოდ ნახატებით არ გამოხატავენ სათქმელს და ამიტომაც ფესტივალის ორგანიზატორებს ამ დიდი მხატვრის ოცნების ახდენას ვუსურვებ. ამდენი ნამუშევრის ერთ სივრცეში თავმოყრა თითქოს მშვენიერების ერთგვარი ამოღრქვევა იყო. თბილისში სხვადასხვა ადგილას მიმოფანტული ეს ნახატები აქ შეიკრიბნენ. ეს ვიზუალურად ძალიან კარგია. აქ მხოლოდ ადამიანები კი არა, ნამუშევრები შეხვდნენ ერთმანეთს. სამი დღის შემდეგ ეს ნახატები ისევ დაიფანტნენ, მაგრამ მათ უკვე ერთმანეთი ეცოდინებათ. ეს ძალიან მნიშვნელოვანია.

ფესტივალის მონაწილე, მხატვარი ნინო ჩაკვეტაძე: - მე და ჩემს მეგობრებს იდეა ძალიან მოგვწონდა. ჩანაფიქრი იყო, რომ ნახატები ყველასთვის ყოფილიყო ხელმისაწვდომი. ცოტა დაირღვა ეს ფორმატი, რადგან მხატვრებს ნაკლებად აქვთ ჩანახატების, ეტყუდების გაყიდვის გამოცდილება. მე სწორედ ასეთი ნამუშევრები წარმოვაადგინე. იდეა ძალიან კარგია და კარგი იქნება თუ მომავალშიც ჩატარდება. მე ყოველთვის მივიღებ მონაწილეობას.

ფესტივალის ორგანიზატორები ანალოგიური ხასიათის გამოფენის მოწყობას შემოდ-

გომაზეც გეგმავენ. ამჯერად ფესტივალი საერთაშორისო იქნება და მის ორგანიზებაში 2 ART-თან ერთად კომპანია „მინიატიურა“ და მისი ხელმძღვანელი ქეთი ლაზარიშვილიც ჩაერთვება. „ქართველი მხატვრები პირველად ნიუ იორკში სწორედ ქეთიმ წარადგინა. ჩვენ მასთან ერთად ერთობლივი ძალებით ვიმუშავებთ და შემოდგომაზე საქართველოს „არტ-ექსპო-თბილისი“ ექნება“, - აღნიშნა დავით ბაძალუამ.

„სხვებისთვის გაკვალული გზა“, - ასე უნოდა აფხაზეთის არ განათლებისა და კულტურის სამინისტროში გამართულ არტ ფესტივალს კომპანია „მინიატიურის“ ხელმძღვანელმა ქეთი ლაზარიშვილმა: - არტ ფესტივალის მოწყობა, გადაჭარბების გარეშე, გმირობის ტოლფასია. მალე საქართველო „არტ-ექსპო-თბილისს“ უმასპინძლებს. დიდი მადლიერება მინდა გამოვხატო ამ გამოფენის ორგანიზატორებისადმი, რადგან მათ უკვე გამიკვალეს გზა.



რედაქტორი ნატო კორსანტია

ნომერზე მუშაობდნენ: მაია შონია, ეკატერინა გადილია, სალომი თორია, რუსუდან ემუხვარი